



唐類函

三十九

吟	詛	隱	利	訥	行	言	人
	誦	語	口			語	部
賢	聖	哭	泣	疾	寢	笑	嘯
仁	不	違	祿	孝	忠	忠	忠
	孝	離	善		孝	義	
				著	義	義	寬
				心	感		怒

卷六十一

13
2413
39



13
2413
39

唐類函卷二百三十

明東吳俞安期彙纂

明上元戴熙朝校訂

人部十

笑 寢 疾

言語 誹謗附 行 隱語 訥

利口 疾言 誣謔 泣 哭 嘯

○言語一類藝文類聚

釋名曰言宣也宣彼此之意也語敘也敘已所欲說述也 說文曰直言曰言論議曰語 周易曰君子居其室出其言善則千里之外應之出其言不善則千里之外違之 又曰言行君子之樞機樞機之發

人部

卷二百三十下

言語

<99-241>

榮辱之主也 毛詩曰哿矣能言巧言如流俾躬處
休 又曰君子無易由言 又曰于時言言于時語
語 左傳曰晉叔向適鄭駸戩惡從收器者立於堂
下一言而善叔向聞之曰必駸明也執其手以上曰
子若不言幾失子矣 又曰鄭子太叔卒趙簡子爲
之臨甚哀曰黃父之會夫子語我九言曰無始亂無
怙富無恃寵無違同無傲禮無驕能無復怒無謀非
德無犯非義 又曰單子會韓子于戚視下而言徐
叔向曰單子其死乎 禮記曰事君大言入則望大
利小言入則望小利故君子不以小言受大祿不以

大言受小祿 又曰王言如絲其出如綸王言如綸
其出如紉 又曰言不危行行不危言 又曰五方
之人言語不通 大戴禮曰黃帝弱而能言 孝經
曰言滿天下無口過行滿天下無怨惡 論語曰定
公問一言可以興邦有諸子曰言不可以若是其幾
也一言可以喪邦有諸子曰言不可以若是其幾也
又曰君子欲訥於言而敏於行 又曰法語之言
能無從乎繹之爲貴 又曰南容三復白圭曰斯言
之玷不可爲也 莊子曰言者所以在意得意而忘
言吾安得忘言之人與之言哉 又曰凡交近則必

相靡以信遠則必忠之以言 鷓冠子曰趙武靈王
問龐緩曰寡人聞飛語流傳曰百戰百勝非善之善
者也 淮南子曰得萬人之兵不若聞一言之當
尸子曰言美則響美言惡則響惡 申子曰一言正
天下定一言倚天下靡 孫卿子曰贈人以言重於
珠玉傷人以言甚於劔戟 鄧析書曰一言而非駟
馬不能追一言不急駟馬不能及故惡言不出口苛
聲不入耳 漢書曰漢王與項羽臨廣武間而語
又曰太尉周勃迎代王請問宋昌曰所言公公言之
所言私王者無私 又曰韓信當斬視滕公曰不欲

就天下乎而斬壯士滕公竒其言壯其貌弗斬與語
大悅之 吳志曰張尚孫皓時為侍郎以言語辯捷
見知 衛玠別傳曰太尉王君見阮千里而問曰老
莊與聖教異阮曰將無同太尉善其言辟之為掾世
號阮瞻三語掾王君見而嘲之曰一言可辟何假於
三阮曰苟是天下民望亦可無言而辟復何假於一
言 神僊傳曰老子生而能言 括地圖曰太極山
采華之草服之通萬里之語

言語二帖白

身文

介子推口
言身之文

口實

書後世以
台為口實

含劍刃

吉人之辭寡
若含劍刃不

人部

卷二百三十一

三

言語

敢動吐玉屑王澄與人書曰胡母輔之字彥國吐嘉

林藪樂廣常與裴頠清言欲以理冀土其言冀土也

自口好言出身加乎民有微叔向曰君子之言信

身無瑕善言無同心其馨如蘭足志誰知其志足成

也有章無文行之不遠與戎出好階亂

語以為階為詩發言作又洪範二曰言言惟口羞在耳

過行君子取其言中倫柳下惠老吃管子曰吾畏事

十如老吃耳弱能詳類苦甘苦言藥也甘言疾也

安定安言辭審輯矣詩曰輯穆也事斯請事思忠君子

有九思忠顧行行顧言不可已叔向曰辭之不可已也

賴之若之必有中人不厭公叔文子時然後予

欲無子曰予欲無君子文禮文以君仁者訥者其言

也訥曰為之難一言晏子一言之言其利溥哉多言

孔子云賜不幸言而立言太上立德其次立言立知

言孟子之知言誠辭知其辭淫辭知其慎辭叔向

為鄭伯入陳非文勿言非禮不廢不以言舉人不

不出古者言之不速桃李無言成蹊鸚鵡能言不離

不離禽獸耳屬于垣詩駟不及舌子貢能無從乎瀟

無從乎達而已矣已矣辭達而易出難悔不可不慎也鉗

口結舌言言語語穆穆皇皇之美宰我子貢言語

口結舌言言語語穆穆皇皇之美宰我子貢言語

口結舌言言語語穆穆皇皇之美宰我子貢言語

科周勃張相詳大辯若訥 巧言如流 君子約言

小人先言 懷璧與詠 鑠金垂範 一言興邦

片言折獄 其容不改 斯言有章 我求懿德

爾有嘉謀 慎乃出話 似不能言 懲如簧之

言 緘若訥之辯 雖嘉言可聽 而國章難廢

鄙小子之狂簡 竊先生之餘論 當喻以正義

豈移於浮辭 庶遵季布之諾 宜附周任之言

苟不戒於三緘 則必違於千里 既三思而後行

亦一言而為智 君子一言以為知一言以 文子之

賢則聞訥訥 趙文子其言訥 仲尼之聖且貴便便便

言惟 謹爾

梁昭明太子大言詩曰觀脩鯤其若轍鮒視滄海

之如濫觴經二儀而踟躕跨六合以翱翔 又細言

詩曰坐臥鄰空塵憑附蝶螟翼越咫尺而三秋度毫

釐而九息 梁殷鈞大言應令詩曰噫氣為風揮汗

成雨聊灼戴山龜欲持探邃古 又細言應令詩曰

汎舟毛滴海為政蝸牛國逍遙輕塵上指辰問南北

梁正見大言應令詩曰俯視望日入下視見星羅

噓八風而為氣吹四海而揚波 又細言應令詩曰

針鋒於焉止息髮杪可以翱翔蚊眉深而易阻蟻目

人部

卷一百三十一

五

言語

曠而難航 梁王錫大言應令詩曰欲遊五岳迫不
 得伸杖千里之木鱸橫海之鱗 又細言應令詩曰
 冥冥藹藹離朱不辨其實步蝸角而三伏經鍼孔而
 千日 梁張纘大言應令詩曰河流既渴日月俱騰
 且羅微物動落雲鵬 又細言應令詩曰遨遊蟻目
 辨輕塵蚊睫成宇蟲如輪 梁沈約大言應令詩曰
 隘此大泚庭方知九垓局窮天豈彌指盡地不容足
 又細言應令詩曰開館尺椳餘築榭微塵裏蝸角
 列州縣毫端建朝市

楚宋玉大言賦曰楚襄王與唐勒景差宋玉遊於

雲之臺王曰能為寡人大言者上座王因唏曰
 是太阿戮一作剝 一世流血冲天車不可以厲至唐勒
 曰壯士憤一作頓 今絕天維北斗戾兮太山夷至宋玉
 曰方地為車圓天為蓋長劔耿介一作耿 倚天外王曰
 未也玉曰并吞四夷飲枯河海跋越九州無所容止
 又小言賦曰楚襄王既登陽雲之臺命諸大夫景
 差唐勒宋玉等竝進大言賦賦卒而宋玉受賞又曰
 有能為小言賦者賜之雲夢之田景差曰戴氛埃兮
 乘測塵體輕蚊翼形微蚤鱗經由鍼孔出入羅巾唐
 勒曰析飛糠以為輿剖糝糟以為舟憑蚶背以顧眄

附蟣蠖而遐遊又曰館于蠅鬚宴于毫端烹虱腦一作
 歷切蟣肝會九族而同嚼猶委餘而不殫宋玉曰無
 內之中微物潛生比之無象言之無名蒙蒙一作景
 滅昧昧遺形織於毳末之微蔑陋於茸毛之方生視
 之則眇眇望之則冥冥離朱為之歎悶神明不能察
 其情二子之言磊磊皆不小何如此之為精王曰善
 賜雲夢之田 晉傅咸小語賦曰楚襄王登陽雲之
 臺景差唐勒宋玉侍王曰能為小語者處上位景差
 曰么蔑之子形難為象晨登蟻埃薄暮不上朝炊半
 粒晝復得釀高一小虱飽於鄉黨唐勒曰攀蚊髯附

刺翼我自謂重彼不極邂逅有急相以逼竄於針孔
 以自匿宋玉曰析薛足以為權舫粒糠而為舟將遠
 遊以遐覽越蟬溺以橫浮若涉海之無涯懼湮沒於
 洪流彌數旬而汜濟陟蟣蟻之崇丘未升半而九息
 何時達乎杪頭 魏陳暄應詔語賦曰覈生民之要
 技實言語以為前樞機誠為急務筆札乃是次焉擬
 金人於右階稱石人於左邊鄭僑戎服而無媿張儀
 舌存而理痊唯諾唯辯何者是與故知于時言言于
 時語語若乃遼城嶮峻齊陣交加燕將恐懼漢帝咄
 嗟魯連纔吐數句酈子直御單車息十重之縈帶賢

百萬之誼譁至於蘭臺靜祕華燭高明徐斟桂醕緩
奏秦聲二三朋好數四才英既說前賢之往行重覩
生死之交情扼腕抵掌攘袂盼衡當斯時也何者爲
榮欲同吃如鄧士載欲作辯似婁君卿爲守爲相竝
如此少意少事不成名

贊魏王粲反金人贊曰君子亮直行不柔辟友賤不
恥誨焉是益我能發蹤彼用遠迹一言之賜過乎與
璧末世不敦義與茲易言而匪忠退有其適

歲晉蘇彥語箴曰孔子曰余欲無言又曰天何言哉
赫胥之世大庭之治玄風陶鼓率直放志熙熙羣動

無欲無事逮于三季奔競茲彰雷動風駭飛辯雲翔
戰國紛擾爭霸稱彊爾乃遊說縱橫騁技時王銜刃
懷毒吐膏示芳利動春露害重冬霜四紀若馳七都
翦凶爰茲末俗扇風簸颺先意承旨原情察鄉擯爾
籩豆和樂且康

錄周太廟金人銘曰孔子觀周入后稷廟廟堂右階
之前有金人焉三緘其口而銘其背曰我古之慎言
人也戒之哉戒之哉無多言無多事多言多敗多事
多患安樂必戒無行所悔勿謂何傷其禍將長勿謂
何害其禍將大勿謂不聞神將伺人燄燄弗滅炎炎

若何涓涓不壅終為江河綿綿不絕或成網羅毫末
不札將尋斧柯 晉孫楚反金人銘曰晉太廟有石
人焉大張其口而書其智曰我古之多言人也無少
言無少事少言少事則後生何述焉夫唯立言名乃
長久胡為塊然生鉗其口凡夫貪財烈士殉名盜跖
為濁夷柳為清鮑肆為臭蘭圃為馨莫貴澄清莫賤
滓穢二者言異歸於一會堯懸諫鼓舜立謗木聽采
風謠惟口不足道潤羣生化隆比屋末葉陵遲禮教
彌衰承旨則順忤意則違時好細腰宮中皆飢時悅
廣額下作細眉逆龍之鱗必陷斯機括囊無咎乃免
誅夷顛覆厥德可為傷悲則可用戒無妄之時假說
周廟於言為蚩是以君子追而正之

論晉歐陽建言盡意論曰有雷同君子問於違眾先
生曰世之論者以為言不盡意出來尚矣至乎通才
達識咸以為然若夫蔣公之論眸子鍾傅之言才性
莫不引此為談證而先生以為不然何哉先生曰夫
天不言而四時行焉聖人不言而鑒識存焉形不待
名而方圓已著色不俟稱而黑白以彰然則名之於
物無施者也言之於理無為者也而古今務於正名
聖賢不能去言其故何也誠以理得於心非言不暢

物定於彼非言不辯言不暢志則無以相接名不辯
 物則鑒識不顯鑒識顯而名品殊言稱接而情志暢
 原其所以本其所由非物有自然之名理有必定之
 稱也欲辨其實則殊其名欲宣其志則立其稱名逐
 物而遷言因理而變此猶聲發響應形存影附不得
 相與為二苟其不二則無不盡吾故以為盡矣

○行帖

樞機易言行君枝葉行有內修程方進前定行前定
 踐言謂之善行顧言言顧言三行師氏教國三行一
 友行尊賢良三順行事百行士有行貳士貳行潔魏

欽著書稱徐邈曰志高行潔危行危言達行孟子曰柳下惠不
 人處由由然不忍去曰爾為爾我為我發邇見遠
 我雖祖湯程於我側安能免我哉發邇見遠
 乎遠見修大拘小修大行者行過乎恭言過其行
 取通介有恒徐景山功行累積行成於內行成
 而先 儒行 素行 景行 污行

○訥帖

口吃併載

吉人寡辭易君子欲訥於言事未嘗出口
 未嘗造次不能自達吳漢字子顏賢厚少文近仁剛
 木訥少言李廣訥心辯郭林宗謂劉鴻儒口吃
 口吃不好音樂魯恭王餘季年好音善著書司馬相
 能劇談樂口吃難言吳志

而善於艾艾詳戲期期詳

○利口白帖失言 謗附

覆邦惡利口之亂政書君罔以辯數窮老子多言數

屢中子貢德搖唇莊子搖緩頰詳躁人之辭辯士辯

士之費辭禮不辭費有騰說騰口亂德巧言亂官無

以利口口惠禮口惠而實不口窮易曰尚喋喋利截

截書曰截截善論言俾厲之階詩婦有長舌顏之厚

巧言如簧君子溺子曰君子溺於口在云君子恥其

言無其行辭有枝葉天下無道則辭有給奪慈仁子曰

給奪慈仁奪亂也言口費而煩言煩舌存自足張儀

憎於人子曰禦人以口給屢未必有德有言者

夫子路子曰是故失之宰我以言取人美言不信信

老子不美利口惟賢書子貢說辭君卿脣舌不思若

訥徒務如流禪竈多言豈不或中嗇夫代對

響應無窮張釋之言虎園失言富辰曰口不道忠

莠自口漏言上漏其言夷言衛侯效夷言子之曰君

之固惟口起羞書俾躬是瘁哀哉不能言君子

不失口於智者不失不可與言而與之榮辱之主

易怨咎之及叔同言曰小人之言僭多言數窮失

辭獲戾智伯失灌水之言魏武有齟舌之戒

辭獲戾智伯失灌水之言魏武有齟舌之戒

屢中之能雖聞子貢 數窮之戒終見老聃 誹謗毛

玠下獄 毛玠字孝先人有云見黜而妻沒入宮者玠

鍾繇詰曰自古有奪免孔融棄市 誹謗之言坐此棄市

君子惡 居下訕上 庶人謗 誹謗 理謗 鍾繇為廷尉聽

得為 致罪 漢書口 謗 誹 謔 竝 作 竝 作 又 君 無 謗 誹 腹 心

非謗 聲聞於外 言不由中 人胥效矣 我無

是乎 彼有人焉 謀於長者 去白安之術 效

滅族之計 惟君子乃能 非聖人之教 九歌導

屈原之情 五噫寫梁鴻之恨 玉石失真卞和泣

矣 鴛鴦齊駕伯樂哀之 殺其管叔見賦於鴟鴞

閔於周公用明於狼跋

○隱語 帖白

麥麴 楚申叔展問還無社曰有麥麴乎有山

黃絹幼婦 秦客度辭 國語范文子曰有秦客

也吾得其二焉 武子怒曰童子三掩人 舍人隱語 郭

於朝以杖擊之折并度辭謂作隱語也 舍人隱語 舍

人請東方朔 庚癸 吳孫叔儀乞糧於魯公孫有山有

隱語漢書 雞肋 曹操出教唯曰雞肋

軍中不取出糧故為隱語 雞肋 楊修曰公歸計矣矣

爾雅曰徒歌謂之謠 毛詩曰心之憂矣我歌且謠

左傳曰宋城華元為植巡功城者謳曰睥其目瞞

其腹棄甲而復于思于思棄甲復來 家語曰孔子
 相魯齊人歸女樂魯君淫荒孔子遂行師乙送孔子
 曰吾欲歌可乎歌曰彼婦人之口可以出走彼婦人
 之謁可以死敗優哉游哉聊以卒歲 列子曰堯微
 服遊康衢童兒謠曰立我蒸民莫匪爾極不識不知
 順帝之則 韓子曰齊桓公飲酒醉遺其冠恥之管
 仲曰公胡雪之以政公曰善因發倉賜貧窮三日而
 民歌之曰公胡不復遺其冠乎 呂氏春秋曰魏襄
 王使史起為鄴令引漳水灌田民大得利相與歌曰
 鄴有賢令今為史公決漳水兮灌鄴旁終古烏鹵兮

生稻梁

新序曰延陵季子以劍帶徐君墓樹徐人

歌之曰延陵季子不忘舊故脫千金之劍兮帶丘墓

史記曰曹參為漢相國百姓歌之曰蕭何為法顏

若畫一曹參代之守而勿失載其清靜民以寧音靜

又曰衛子夫為皇后弟青貴震天下天下歌之

曰生男無喜生女無怒獨不見衛子夫霸天下 漢

書曰趙中大夫白公奏穿渠引涇水民得其饒歌之

曰田於何所池陽谷口鄭國在前白渠起後舉鍾如

雲決渠為兩涇水一石其泥數斗 又曰馮立為西

河上郡在職公廉與野王相代治行相似而多恩吏

民歌曰大馮君小馮君云云詳太東觀漢記曰張

湛為漁陽太守百姓歌曰桑無附枝麥秀兩歧張君

為政樂不可支詳太又曰廉范為蜀郡太守百姓

歌曰廉叔度來何暮不禁火民安作昔無襦今五袴

守詳太謝承後漢書曰岑熙遷魏郡太守人歌之曰

我有荆棘岑君伐之我有蝨賊岑君過之狗吠不驚

足下生菴含哺鼓腹焉知凶災我喜我生獨丁斯時

美哉岑君於戲在茲又曰皇甫嵩請冀州一年田

租以贍飢民百姓歌曰天下亂兮市為墟毋不保子

兮妻失夫賴得皇甫兮復安居又曰劉駒駝除縱

陽長以病免吏民思而歌之曰悒然不樂思我劉君

何時復來安此下民又曰郭賀字喬卿為荊州刺

史到官有殊政百姓歌曰厥德仁明郭喬卿忠正朝

廷上下平續漢書曰張霸為會稽郡越賊歸附童

謠曰棄我戟捐我矛盜賊盡吏皆休又曰李燮拜

京兆詔發西園錢君上封事遂止不發吏民愛敬乃

謠曰我府君道教舉恩如春威如虎剛不吐弱不茹

愛如母訓如父吳志曰周瑜少精意於音樂三爵

之後其有闕誤瑜必知之知之必顧時人謠曰曲復

誤周郎顧吳錄曰王譚字世容為成武令民服德

區區

化宿惡奔迸父老歌曰王世容治無雙省徭役盜賊
 空 王隱晉書曰王祥為本州別駕時人歌曰海內
 之康實賴王祥邦國不空別駕之功 又曰裴秀年
 十餘歲時人謠曰後進領袖有裴秀 又曰諸葛恢
 字道明荀闈字道明蔡謨字道明有名譽號曰中興
 三明時人歌之曰京師三明各有名蔡氏儒雅荀葛
 清 續安帝紀曰司馬休之兄尚為桓玄所敗休之
 奔淮泗頗得彼之人心從者為之歌曰可憐司馬公
 作性甚溫良憶昔水邊戲使我不能忘 車穎秦書
 曰苻堅時關隴百姓豐樂民歌之曰長安大街兩邊

種槐下走朱輪上有鸞栖 趙書曰劉曜討陳安於
 隴城安死隴城健兒乃謠曰陳安體幹雖小腹中寬
 愛養將士同心肝 又曰汲桑六月盛夏重裘累茵
 使人扇患不清涼斬扇者時軍中為之謠曰士為將
 軍何可羞六月重茵被豹裘不識寒暑斬他頭 會
 稽典錄曰徐弘字聖通為汝陰令誅鋤姦桀道不拾
 遺民歌之曰徐聖通為汝陰平刑罰姦宄空 文士
 傳曰東晉太康中大旱督乃令邑人躬共請雨三日
 水三尺百姓為之歌曰東先生通神明請天三日甘
 雨零我黍以育我稷以生何以酬之報東長生 殷

八音 卷一百一十五
氏世傳曰殷褒爲榮陽令度築學館會集朋徒民知
禮讓乃歌曰榮陽令有異政修立學校人易性令我
子弟恥訟爭 襄陽耆舊記曰山季倫每臨習池未
曾不大醉而還恒曰此我高陽池也襄陽城中小兒
歌之曰山公何所去往至高陽池日夕倒載歸酪酏
無所知時時能騎馬倒著白接羅舉鞭向葛強何如
并州兒 世說曰郗超王珣竝以俊才爲桓大司馬
所眷珣爲主簿超爲記室參軍超爲人多鬚珣形狀
短小時人爲之歌曰髯參軍短主簿能令公喜能令
公怒

晉夏侯湛長夜謠曰日暮兮初晴天灼灼兮遐
清披雲兮歸山垂景兮照庭列宿兮皎皎星稀兮月
明亭檐隅以逍遙兮盼太虛以仰觀望閭闔之昭晰
兮麗紫微之暉煥 晉湛方生懷歸謠曰辭衡門兮
至歡懷生離兮苦辛豈羈旅兮一慨亦代謝兮感人
四運兮道盡化新兮歲故氣慘慘兮疑晨風悽悽兮
薄暮雨雪兮交紛重雲兮四布天地兮一色六合兮
同素山水兮摧披津壑兮疑互感羈旅兮苦心懷桑
梓兮增慕胡馬兮戀北越鳥兮依陽彼禽獸兮尚然
況君子兮去故鄉望歸塗兮漫漫盼江流兮洋洋思

涉路兮莫由欲越津兮無梁 陳沈炯獨酌謠曰獨酌謠獨酌獨長謠智者不我顧愚夫余未要不愚復不智誰當余見招所以成獨酌一酌傾一瓢生涯本漫漫神理暫超超一酌矜許史再酌傲松喬煩煩四五酌不覺凌丹霄倏忽厭五鼎俄然賤九韶彭殤無異葬夷跣可同朝龍螭非不屈鵬鷄但逍遙寄語號呶侶無乃大塵脚

○吟藝文類聚

說文曰吟歎也 釋名曰吟嚴也其聲不出於憂愁故聲嚴肅使聽之悽歎也 毛詩序曰吟詠情性以

風去上 鹽鐵論曰曾子傷山而吟山鳥下翔 東

觀漢記曰梁鴻常閉戶吟詠書記 魏志曰管輅隨

軍西行過毋丘儉墓下倚松樹哀吟精神不樂人問其故輅曰林木雖茂無形可久碑誄雖美無後可守

陳武別傳曰陳武字國本休屠胡人常騎驢牧羊

諸家牧豎十數人或不知歌謠者武遂學太山梁父吟幽州馬客吟及行路難之屬 文士傳曰李康清

廉有志節不能和俗為鄉里豪右所共害故宦塗不進作遊山九吟

蜀諸葛亮梁父吟曰步出齊城門遙望蕩陰里里

中有三墳纍纍正相似問是誰家家田疆古冶子力
 能排南山文能絕地理一朝被讒言二桃殺三士誰
 能為此謀國相齊晏子晉潘尼逸民吟曰□□我
 顧傲世自遺舒志六合由巢是追沐浴洪池奮迅羽
 衣陟彼名山採此芝薇胡雲鬣行露未晞游魚羣
 戲翔鳥雙飛逍遙博觀日晏忘歸嗟哉世士從我者
 誰

○嘯藝文類聚

雜字解詁曰嘯吹聲毛詩曰有女叱離條其嘯矣
 遇人之不淑矣莊子曰童子夜嘯鬼數若齒 吳

越春秋曰吳王闔閭將欲伐楚登臺而南風而嘯有
 頃而歎羣臣莫有曉王意者伍子胥深知王憂乃薦
 孫武善為兵法人莫知其能漢晉春秋曰桓帝幸
 樊城百姓莫不觀之有一老父獨耕不輟議郎張溫
 使問焉父嘯而不答魏略曰諸葛亮在荊州遊學
 每晨夜常抱膝長嘯晉陽秋曰嵇康見孫登登對
 之長嘯而不言列女傳曰魯漆室邑之女過時未
 適人倚柱而嘯傍人聞之心莫不為之慘者鄰婦從
 之遊曰何嘯之悲也子欲嫁乎吾為子求偶漆室女
 曰吾豈為不嫁之故而悲哉憂吾君老太子少也

孫登別傳曰孫登魏末處邛北山中以石室爲宇編草自覆阮嗣宗聞登而往造焉適見苦蓋被髮端坐巖下鼓琴嗣宗自下趨之既坐莫得與言嗣宗乃嘲嘈長嘯與鼓琴音諧會雍雍然登乃追爾而笑因嘯和之妙響動林壑 王廙別傳曰王導與庾亮遊于石頭會遇廙至爾日迅風飛帆廙倚樓而長嘯神氣甚逸 郭子曰劉道真少時善歌嘯有一老姥識其非常之人甚樂其歌嘯乃殺猪進之道真食猪不謝世說曰晉文王德盛功大坐席嚴敬擬於王者唯阮籍箕居嘯歌酣放自若 又曰劉琨字越石爲胡

騎所圍城中窘迫劉乘月登樓清嘯胡賊聞之皆悽然長歎而去 潯陽記曰桓宣穆使人尋廬山見一人謂之曰君過前嶺必逢二年少相隨長嘯試要問之若不與言者可速去此人過嶺果見二年少以袂掩鼻長嘯狀如惡臭呼之不與言 搜神記曰趙炳嘗臨水從船人乞渡船人不許炳乃張蓋坐其中長嘯呼風亂流而濟 神境記曰滎陽郡西有靈源山有石髓紫芝昔者有採藥此山聞林谷間有長嘯者今樵人往往猶聞焉 異苑曰尋陽姑石在江之坻初桓玄至西下令人登之中嶺便聞長嘯聲甚清澈

至峯見一人箕踞石上竹林七賢論曰阮籍性樂

酒善嘯聲聞數百步又曰籍常箕踞嘯歌酣放自

若時蘇門山中忽有真人在焉籍親往尋其人擁膝

巖顛遂登嶺從之箕坐相對籍乃商略終古以問之

佗然不應籍因對之長嘯有間彼乃斷然嘯曰可更

作籍又為嘯意盡退還半嶺嶺顛噉然有聲若數部

鼓吹顧瞻乃向人嘯也夢書曰夢吹簫者欲有求

嘯二

阮公臺阮嗣宗善嘯聲與琴成瑨坐成瑨為南陽太

昭人語曰南陽太守岑竹不如肉晉桓宣武嘗問孟

公孝弘農成瑨但坐嘯萬年聽伎絲不知

竹竹不如肉何也孟答石亦復嘯內傳曰海春僊人

日漸近自然一坐谷嗟居獨巖山善嘯術

時泰山道士鍾約字期往來欽其執春變為石人約

不知乃坐石上仰面而嘯石亦復嘯於下傾山動澗

響過行雲約再拜謝之春知其意莫止即於坐石

上對教三事不飲不食乃得嘯而風生於虎也靈

源之餘音 姑石之遺響

詩晉陸雲詩曰逍遙近南畔長嘯作悲歎 晉郭璞

詩曰綠蘿結高林蒙籠蓋一山中有冥寂士靜嘯撫

清絃

賦晉成公綏嘯賦曰逸羣公子體竒好異傲世忘榮

絕棄人事於是延友生集同好精性命之至機研道

德之玄奧邈跨俗而遺身乃慷慨而長嘯發妙聲於

嘯

丹唇激哀音於皓齒響抑揚而潛轉氣衝鬱而燦起
 協黃宮於清角雜商羽於流徵飄遊雲於泰清集長
 風乎萬里良自然之至音非絲竹之所擬是故聲不
 假器用不借物近取諸身役心御氣動唇有出發口
 成音觸類感物因歌隨吟清激切於箏笙優潤和於
 瑟琴烈烈颺揚啾啾響作奏胡馬之長思向寒風乎
 北朔又似鴻鴈之將雛羣鳴號乎沙漠故能因形創
 聲隨事造曲應物無窮機發響速乃吟詠而發散聲
 驛驛而響連心滌蕩而無累志離俗而飄然 晉殷
 仲堪將離詠曰爾乃理轡杖策或乘或步行悲歌以

諧歡朗長嘯以啓路

書晉桓玄與袁宜都書論嘯曰讀卿歌賦序詠音聲
 皆有清味然以嘯為髣髴有限不足以致幽旨將未
 至耶夫契神之音既不俟多瞻而通其致苟一音足
 以究清和之極阮公之言不動蘇門之聽而微嘯一
 鼓玄默為之解顏若人之興逸響惟深也哉 表山
 松谷桓南郡書曰嘯有清淨之美而無控引之深歌
 窮淵根之致用之彌覺其遠至于吐辭送意曲究其
 奧豈唇吻之切發一往之清冷而已哉若夫阮公之
 嘯蘇門之和蓋感其一奇何為徵此一至大疑嘯歌

所拘耶

○笑一類藝文類聚

說文曰欣笑喜也 易曰同人先號咷而後笑 又

曰旅人先笑後號咷 又曰笑言啞啞 毛詩曰終

風且暴顧我則笑謔浪笑傲中心是悼 又曰兄弟

不知啞其笑矣 又曰宴笑語兮 左傳曰晉侯使

邾克徵會于齊齊頃公帷婦人使觀之邾子登婦人

笑於房 又曰晉士彌牟送叔孫于箕叔孫使梁其

跽待于門內曰余左顧而欬乃殺之右顧而笑乃止

穀梁傳曰季孫行父禿晉邾克跋備孫良夫眇曹

公子首僂同聘於齊齊使禿者御禿者跛者御跛者

僂者御僂者蕭同叔子處臺而笑之客不悅 論語

曰子問公叔文子於公明賈曰信乎夫子不言不笑

不取乎公明賈對曰夫子樂然後笑人不厭其笑

又曰子游為武城宰子之武城聞絃歌之聲夫子莞

爾而笑曰割雞焉用牛刀 禮拜威儀曰君乘土而

王其民人好大笑 樂動聲儀曰人情喜則笑矣

老子曰下士聞道大笑之不笑不足以為道 晏子

曰齊景公置酒泰山公四望喟然歎泣數行曰寡人

將去此堂堂國者而死耶左右泣者三人晏子搏髀

將去此堂堂國者而死耶左右泣者三人晏子搏髀

將去此堂堂國者而死耶左右泣者三人晏子搏髀

仰天大笑曰樂哉今之飲也公怒曰子笑何也對曰
臣見怯君一諛臣三是以大笑公慙 呂氏春秋曰
戎常寇關幽王擊鼓諸侯皆至褒姒大悅而笑王欲
褒姒之笑數擊鼓而諸侯至無寇及真寇至擊鼓而
諸侯不來遂爲戎所滅 史記曰孫子試兵以王寵
姬二人以爲軍隊長三鼓宮女皆掩口而笑 又曰
孟嘗君過趙平原君客之趙人聞孟嘗君賢出觀之
皆大笑曰始以薛公爲魁梧也然今視之乃眇小丈
夫耳 又曰高祖奉玉卮爲太上皇壽曰始大人常
以臣無賴不能治產業不如仲力今某之業所就訖

與仲多殿上羣臣皆呼萬歲大笑爲樂

漢書田

衡能解詩諸儒爲之語曰匡說詩解人頤

蜀志曰

馬忠爲人寬濟有度量但大笑而已忿怒不形於色

晉中興書曰石勒與李陽相近陽性剛愎每爭漚

麻池共相撲打互有勝負勒旣貴召陽至引入言及

平生酒酣宣陽肘曰卿年老臂中故有力不頗復與

人鬪耶孤往數得卿拳卿亦快得孤毒手因大笑

又曰石勒治門閣至峻有醉胡乘馬徑入府門勒問

門吏馮翊向走馬入門爲是何人翊惶遽誤對忘諱

向有醉胡乘馬馳來卽已訶問胡人難與語非小吏

所制鞠笑曰胡正自難可與言 蜀記曰譙周字允

南體貌素朴無造次辯論之才諸葛亮領益州牧周

為勸學從事初見左右皆笑既出有司請推笑者亮

曰孤欲不能忍況左右乎 世說曰張華問陸機曰

雲何以不來機曰雲有笑疾恐公未悉故未敢俄而

雲詣華華為人多姿制又好帛纏鬚一作以錦雲見

大笑不能自已 又曰陸雲好笑常著緞幘上船水

中自見其影便大笑不已與白帖又曰桓

南郡與道曜講老子王侍中為簿在坐桓公曰王

主簿可顧名思義王未有答且大笑桓公曰王思道

故能作大家兒笑 瑣語云師曠御晉平公鼓瑟輒

而笑曰齊侯與其嬖戲墜於牀而傷其臂平公命人

書之曰某月某日齊侯戲而傷問之於齊侯笑而然

有之 楚辭曰若有人兮山之阿被薜荔兮帶女蘿

既含睇兮又宜笑予慕予兮善窈窕 又曰行不羣

以顛越兮又眾兆之所哈哈笑也

笑二帖白

頭沒杯案魏太祖與人譚論戲弄盡無隱諱及歡悅

影見水中陸雲著衰經上船見水中晏晏詩言笑

嘻嘻婦子嘻嘻至矧父母有疾笑不解頤臣說倩兮

嘻嘻終吝易至矧至矧矧齒本也解頤詩倩兮

巧笑兮哂之夫子蹶然而哈莞爾而笑夫子何哂

溺人必笑傳爰笑爰語載笑載言胡盧也一

笑千金

晉孫楚笑賦曰有度俗之公子總萬物之細故心
髮鬚乎巢由以得意為至樂不拘戀乎凡流會親戚
於高宇結宗盟於網繆所以交頸偃仰推胷指掌亢
洪聲於通谷順長風以流響氣參譚以相屬若將頽
而復往或嘖蹙俛首狀似悲愁怫鬱唯轉呻吟郁伊
或攜手悲嘯嗒天長叫遲重則如陸沈輕疾則如水
漂徐疾任其口頰圓合得乎機要或中路背叛更相

殿殿傾倚回我彫聲迄乎日晏信天下之笑林調謔
之巨觀也

○寢白帖

東晉禮君子寢恒東北堂古詩安寢有衣必有寢衣

半無伏寢無伏伏不尸寢不尸注尸伸不言語寢目

炯炯而不腹便便後漢邊韶字孝先曾書曰假寐弟

但欲眠早而假寐趙盾盛服將朝尚早坐而假寐夜

以安身傳明發不寐詩終夜不寢吾嘗終日不尚寐

無覺詩憂而乃安斯寢夙興夜寐經乃寢乃興

聖人責宰予宰予晝寢子曰朽木不可雕也於予與何誅弟子嘲孝先

寢疾

疾一 藝文類聚

桓譚新論曰余歸沛道疾蒙絮被絳罽乘駢馬宿東亭亭長疑是賊發卒夜來余令吏勿鬪乃相問而去又曰余少時見揚子雲之麗文高論不自量年少新進而猥欲逮及嘗激一事而作小賦用精思太劇而立發疹子雲亦言成帝上甘泉詔召作賦卒暴及倦臥夢其五藏出在地以手收內及覺大少氣疾一歲而亡 史記曰陳軫適至秦惠王曰子去寡人之楚亦思寡人否軫對曰王聞越人莊烏乎王曰弗聞軫曰莊烏仕楚執珪有頃而疾為越聲楚王曰烏故越之鄙細人也今仕楚執珪貴極矣亦思越不或對曰凡人思故在其疾也彼思越即越聲不思越即楚聲使人往聽之猶尚越聲也今臣雖棄逐之楚豈能無秦聲哉 漢書曰司馬相如疾甚上曰可往悉取其書使往而相如已死家無遺書問其妻對曰長卿未嘗有書也時時著書人又取去長卿未死時為一卷書曰有使來求書奏之其遺札言封禪事所司奏焉天子異之 東觀漢記曰王良以疾歸一歲復徵至滎陽疾篤不任進道乃過其友人友人不肯見曰不有忠言奇謀而取大位何其往來屑屑不憚煩

也遂拒之良慙自後連徵輒稱疾
三輔決錄曰趙
歧初名嘉年三十餘有重疾臥蓐七年自慮奄忽乃
為遺令敕兒子可立一員石於吾墓前刻之曰漢有
逸民姓趙名嘉有志無時命也奈何其後疾瘳 風
俗通曰無恙俗說疾也凡人相見及書問者曰無疾
耶按上古之時草居路宿恙噬蟲也食人心凡相勞
問者曰無恙乎非為疾也 又曰予之祖柳為汲令
以夏至日請主簿杜宣賜酒時北壁上懸有赤弩照
於杯中其形如蛇宣惡之然不敢不飲其日使得疾
云蛇入腹後柳使宣於故處設酒杯中復有蛇因謂

宣此乃壁上弩影耳非有他怪宣意遂解甚怡懌

疾二帖白

六極尚書六極 二豎晉侯病夢 徹縣禮疾病外內皆
士去琴瑟寢東 易簣曾子舉扶而易簣 齒被樂願之
聞不敢呻吟 去琴詳前 氣淫傳曰天有六氣淫則生六
淫木疾雨淫腹疾晦淫惑 神崇晉侯有疾叔向問子
疾明淫心疾末四支也 神崇產口寡君疾病卜人
曰實沈臺鮪為崇敢問何神也 神崇產口寡君疾病卜人
臺鮪汾神也二者不及君身君身則出入飲食哀樂
之神又何為焉 消渴司馬相如身身則出 瘖眩揚雄曰臣常積
憂成喪志左傳非鬼非 三疾戶令諸一指足無大拇指
禿瘡無髮久漏下重大癭腫之類皆為廢疾瘖狂兩肢廢兩
儒腰折一肢廢如此之類皆為廢疾瘖狂兩肢廢兩

類皆為篤疾三問夫三問之土一問之革矣疾夫子之

革音霍然霍然病發罔詔詔言人疾不請請壽請壽子疾病子路

之壽割瘦賈達爭公事發憤生癭欲割之太祖瘵瘡

久矣羅戰無勇廢之曰十人割九人死產猶割竟愈瘵瘡

對曰疔作而伏注瘵瘡身注有加加無瘵瘵瘡不瘵瘵瘡

疾不瘵痼瘵痼瘵痼瘵痼瘵痼瘵痼瘵痼瘵痼瘵痼瘵

美疹左傳孫曰季孫邁邁邁邁邁邁邁邁邁

重腿荀瑕氏士薄水淺其惡易內熱內熱內熱內熱內熱

惑微腫微腫微腫微腫微腫微腫微腫微腫微腫

曰寬疾有疾有疾有疾有疾有疾有疾有疾有疾有

者寬養之養之養之養之養之養之養之養之養之

惡風又告嵩嵩驚呼曰叔父言汝中風已瘥乎對曰

初不中風但失愛於叔父故見罔佯佯佯佯佯佯佯佯

貌露其體閉閉閉閉閉閉閉閉閉

厥身注夢黃熊昔堯堯堯堯堯堯堯堯堯

於羽淵三代祀之晉為盟主其羽山其神化為黃熊入

五日不知人福鵲曰血脈均治也昔秦穆公如此七

日而寤寤曰我之帝所觀樂正君病三日必間及寤

廣樂賜鵲田四萬畝中膏膏膏膏膏膏膏膏膏

腹楚昭王曰除心腹之疾啓予足足足足足足足足

知鬼夫小子執其手伯牛有疾子問未及死張侯

死吾子忍未及莫能興從者病足不良孟繁之足不手

無指詳三河魚疾河魚疾河魚疾河魚疾河魚疾河魚

疾疾疾疾疾疾疾疾疾疾

疾疾疾疾疾疾疾疾疾疾

疾疾疾疾疾疾疾疾疾疾

疾疾疾疾疾疾疾疾疾疾

疾疾疾疾疾疾疾疾疾疾

霜露之疾醫視之鮮食而寢子憑以疾辭官重繭衣裘

何患不已君視之加朝服視之東首林下蟻聲殷仲堪父

氣未動君視之如牛鬪聲杯中蛇影廣樂問之對曰前在座蒙飲見杯

中有蛇影意惡之而有疾于時廳上有角弓畫作蛇

廣意是弓影也乃告所以仍令坐舊處與飲杯中乃

是弓影遂玉體不安王發楚太子有疾吳客往血氣

豁然而愈未動荀偃瘳疽生瘍於頭目智囊病瘤並癭日臻

彌留顧命曰病日臻大漸惟幾疾大漸惟幾父母惟

憂父母惟其兄弟相瘳交相為瘳四時皆有周禮五

日不知上書居於內問其疾廟不得入穀梁曰有天

於宗非人不養廢疾非人不養者一不問所欲問疾

遺不問久嬰漳浦劉公幹臥常寢茂陵相如馬負薪之

憂孟無妄之疾勿藥有盤散行汲健者盤散行汲展

轉伏枕讀檄愈頭風魏太祖讀陳琳呼桓愈瘡疾

恒詔子石度為人勇壯時有患瘡如臨不測之淵

似執將枯之木汲黯之臥淮南劉禎之居漳濱

相如疾甚留封禪之書朱超伏枕有寄文之作

疾疫天札移人周禮大札則令邦國移人注盛藹不

去更衮字叔衰威寧中大疫也移人避災也盛藹不

強之不可親自扶持晝夜不眠其間又撫恹恹不

天有灾藹人有天疫今人多瘡寒國多風欬

卷百三十一

疾疫方起 人殃於疫

詩梁簡文帝臥疾詩曰沈疴類琴影積英似河魚詎逢龍子浴空歎楚王菹 又喜疾瘳詩曰朝窻猶掩扇宿幔未懸鉤道遙臨四注兼持散九愁雖同衛子憊聊喜華生瘳災星夜出境鳴禽晚去樓蠲邪無賈服祆氣息梁牛隔簾蔭翠篠映水含珠榴丹經蘊玉笥玄水出長洲結友尋方岳採藥訪圓丘神隨七星變貌逐五雲留飛鴻若可駕輕籜必易抽 梁劉孝威和簡文帝臥疾詩曰玉躬耗寒暑羣望崇珪璧仁祀盛黃縑禮壇優紺席憊均楚疾愈俄同宋年益豈

勞誦賦臣寧用觀濤客 梁朱超道歲晚沈疴詩曰

風將夜共靜空與月俱明燭滴龍猶伏壚開鳳欲驚葉飛林失影冰合澗無聲太息興牀念寧敢離衣行唯畏殘藤盡不聞桴鼓鳴

晉摯虞疾愈賦曰余體氣不和飲食漸損旬有餘日衆疾竝除饋食纖纖而日抄體貌廉廉而轉損校朝夕其未殊驗朔望而減本形容消而憔悴體質憊而狼狽內憂深而慮遠乃量餐而度帶講和緩之餘論尋越人之遺方考異同以求中稽衆術而簡良會異端於妙門乃歸竒於涉塵惟茲藥之攸造寶明中

之皆堅九以三七為劑服以四獻為程勢終朝而始發景未久而身輕食信宿而異量體涉旬而告平梁裴子野臥疾賦曰旅聞禁以永久迫衰老而殷憂無筋力以為禮聊臥疾以來休是時凍雨灑塵涼陰滿室風索索而傍起雲霏霏而四密爾乃高歌莫和旨酒時傾洗然尚想何慮何營

表梁簡文帝在州羸疾自解表曰昔違紫復曾不弱冠今夢青蒲逝將已立願歸之謁不逮宸矜民請之書遽降天允屬上黨之雄山西宣將五校失道八尉驕貪一箭而解重圍更成戎阻九戰而絕甬道翻就喪師雖王郭不追朱買難嗣實以褰襜明目日夜厲精地雜黠羌民多獷俗人非公孝欲使任類汝南勲異伯宗必須榮踰戊巳州牧良才實屬多士無令菲薄徒積妨賢

書梁簡文帝答湘東王書曰暮春美景風雲韶麗蘭葉堪把沂川可浴弟邵南寡訟時輟甘棠之陰冀州為法暫止褰襜之務唐景薦大言之賦安汰述連環之辯盡遊玩之美致足樂乎吾春初臥疾極成委弊雖西山白鹿懼不能愈子預赤丸尚憂未振高臥六安每思扁鵲之問靜然四屋念絕修都之香皇上慈

被率土甘露聿宣鳴銀鼓於寶坊轉金輪於香地法
雷警夢慧日暉朝道俗輻湊遠近畢集獨以疾障致
隔聞道豈止楊僕有關外之傷周南起留滯之恨
序梁陶弘景肘後百一方序曰夫生民之所為大患
莫急乎疾疹疾疹而弗治猶救火不以水也今輦掖
左右師藥易尋郊郭之外已自難值况窮村迴陌遙
山絕浦其間天枉焉可勝言方術之書卷秩徒繁拯
濟蓋寡就欲披覽回惑多端抱朴此製實為深益然
尚有闕漏未盡其善輒採集補聞凡一百一首葛氏
序云可以施於貧家野居然亦不止如此今摺紳君

子若常處閒佚乃可師藥有方脫從祿外邑將命遠
途或祇直禁闈晨宵閉隔或羈束戎陣城壘嚴阻忽
驚急倉卒唯拱手相看孰若便探之枕笥則可庸豎
成醫故備論節度使曉然無滯

○泣藝文類聚

說文曰泣無聲出涕也禮記曰高子臯執親之喪
泣血三年未嘗見齒君子以為難矣又曰弁人有
其母而孺子泣者孔子曰哀則哀矣而難為繼也
詩曰泣涕如雨又曰佇立以泣左傳曰楚令尹
子元欲蠱文夫人為館於其宮側振萬焉夫人聞之

泣曰先君以是舞也習戎備也今令尹不尋諸仇讎而於未亡人之側不亦異乎又曰叔孫婣聘于宋宋公與宴飲酒樂宋公使昭子右坐語相泣樂祁左退而告人曰今茲君與叔孫其皆死乎吾聞之哀而樂樂而哀皆喪心也何以能久國語曰叔向見司馬侯之子撫而泣之曰自其父死也吾蔑與比而事君也昔者其父始之我終之我始之夫子終之尸子曰曾子每讀喪禮泣霑襟又曰費子陽謂子思曰吾念周室將滅涕泣不可禁也子思曰然今以一人之身憂世之不治而涕泣不禁是憂河水濁而以

泣清之也時呂氏春秋曰吳起治西門之外王錯譖之魏武侯武侯使人召之吳起至於岸門止車而望西河泣數行而下說苑曰雍門周以琴見孟嘗君君曰先王鼓琴亦能令人悲乎周曰夫千秋萬歲之後高臺既已壞曲池卽以塹墳墓既已下嬰兒墜子樵採者躑躅其足而歌其上曰夫以孟嘗君貴尊乃若是乎於是孟嘗君潸然涕泣曰令文立若破國亡邑之人詳又曰聖人於天下也譬猶一堂之上令滿堂飲酒有一人向隅而泣則一堂之人皆不樂矣又曰禹出見罪人問而泣之左右問其故禹曰堯

舜之民皆以堯舜之心爲心今吾爲君百姓皆以其
心爲心是以痛之新序曰周舍事趙簡子居無幾
何周舍死後與諸大夫飲酒酣簡子泣曰百羊之皮
不如一狐之腋衆人之唯唯不如周舍之愕愕自周
舍死吾未嘗聞吾罪也吾國幾亡乎是以垂泣論
衡曰昔周人有仕不遇年老白首泣涕於途者或問
何爲泣乎對曰吾仕數不遇自傷年老失時是以泣
又曰蘇秦張儀學縱橫之術於鬼谷先生先生曰
能說我泣則能分天皇之地秦說鬼谷先生先生泣
霑襟史記曰箕子過故殷墟咸生禾黍箕子傷之

欲哭則不可欲泣爲近婦人乃作麥秀之詩以歌詠
之殷民皆流涕詳又曰荆軻與高漸離飲於燕市
酒酣漸離共荆軻相和而歌於市中相樂已而相泣
傍若無人又曰漢高欲自擊陳豨蒯成侯周緤泣
曰始秦攻破天下未嘗自行今上自行是爲無人可
使者乎又曰戚姬愛幸生趙王如意常從之關東
日夜啼泣欲立如意爲太子又曰竇皇后兄長君
弟曰廣國年五歲時家貧爲人所畧賣之長安聞竇
后新立廣國上書自陳后召見具言其故后持之而
泣侍御左右皆伏地泣楚漢春秋曰呂后欲爲惠

帝高墳使從未央宮坐而見之東陽侯垂泣曰陛下
日夜見惠帝冢悲哀流涕無已是傷生也臣竊哀之
太后乃止漢書曰高祖破黥布軍還過沛置酒沛
宮上慷慨傷懷泣數行下詳懷東觀漢記曰更始
害齊武王光武飲食語笑如平常獨居輒不御酒肉
枕席有涕泣處又曰來歙蓋延攻公孫述蜀人大
懼使刺客刺歙歙未死馳告蓋延延見歙悲哀不能
仰視歙叱曰欲屬以軍事而反効兒女子涕泣乎
後漢書曰張奐與張公超書曰平筆愴恨泣先言淚
吳錄曰孟宗爲驃騎朱據軍吏將母在營旣不得

志又夜雨屋漏因起涕泣以謝母母曰但當勉之何
足泣也晉陽秋曰司馬文王問劉禪曰頗思蜀否
禪曰此間樂不思蜀也郗正見禪曰若王後問宜泣
以對會王復問禪曰先人墳墓遠在隴蜀乃心西悲
無日不思因閉眼王曰何以似郗正語耶禪驚視曰
如尊命襄陽耆舊記曰羊公與鄒潤甫登峴山垂
泣曰有宇宙便有此山由來賢達登此遠望者多矣
皆湮滅無聞不可得知念此令人悲傷汝南先賢
傳曰蔡順母畏雷後母卒每有震順輒園冢泣曰順
在此邴原傳曰原年五六歲過書舍而泣師曰何

泣原曰孤者易傷感夫學者皆有父母也心願其得學故惻然涕零也師哀原而為之泣曰欲之可學不須費也

泣二帖白

成珠而成人泣垂玉雙垂如玉斑竹湘妃泣涕以淚

沾袍作尼感麟反袂女吳齊景公涕泣而別蜀蜀宗

吳孫權立別贈珠曰沱若沱若易出涕啜其詩啜其潛焉

詩春馬顧之泫然泫然至孔子問焉曰防墓崩孔子泫然

流涕曰吾聞既隕既隕貫之無洵國語文伯之母潏潏楚

橫流涕嗚咽嗚咽袁安忠直每念泣玉卞和既別泣岐朱

泣岐以其可東泣涕連泣血痛思涕洟垂涕泗

新亭淚世說過江諸人每出新亭藉草飲宴周侯歎

唯丞相慨然作色曰咸陽歌又云後魏咸陽王窮極

簡嫖以恣其情後以叛誅宮人為之歌曰可憐咸陽

王奈何作事候金牀玉几不能眠夜踏霜與露洛水

人在南者雖至富貴弦歌奏之莫不灑泣悲來填

○哭帖白

二道禮縣子曰哭有二道有三舉管子曰鮑叔既獲

哀其將死而得秦庭絕聲七日秦伯乃出師救楚東

之注舉聲也秦庭絕聲七日秦伯乃出師救楚東

於東市我不問今復云云對曰法立於上教行於

敬姜哭穆伯穆伯之喪敬姜晝哭文伯之禮子罕哭介

夫禮子罕哭縣子哭陳莊陳莊子死魯人欲勿哭縣

不出境雖欲哭之馬得而哭今樂布哭彭越漢彭越

大夫交政雖欲勿哭馬得勿哭族布回奏事畢於越頭

為梁大夫使齊未及越表三族布回奏事畢於越頭

下哭之吏捕以聞上怒布曰云云恐人人自危乃釋

亦殊於往反禮自外

唐類函卷一百三十

唐類函卷一百三十一

明東吳俞安期彙纂

明高淳韓仲雍校訂

人部十一 聖 賢 慕賢 (知賢附) 忠 忠義 忠孝

○聖一 藝文 類聚

風俗通曰聖者聲也通也言其聞聲知情通於天地

條暢萬物也 白虎通曰才稱萬人曰傑倍傑曰聖

易曰備物致用立成器以為天下利莫大乎聖人

又曰知進退存亡而不失其正者其唯聖人乎

尚書曰睿作聖 又曰聖作則 毛詩序曰周公攝

人部 卷一百三十一 聖

政遠則四國流言近則王不知周大夫美不失其聖也又曰思齊文王所以聖也禮記曰聖人能以天下為一家中國為一人者非意之也必知其利達於其患然後能為之又曰國有聖人而不能欲以求治是猶却步而求及前人也又曰大哉聖人之道洋洋乎發育萬物峻極於天又曰譬如天地之無不持載無不覆幬譬如四時之錯行如日月之代明又曰唯天下至聖為能聰明睿智足以有臨也發強剛毅足以有執也齊莊中正足以有敬也文理密察足以有別也大戴禮曰聖人有國則日月

不食星辰不孛又曰哀公問曰何謂聖人孔子對曰所謂聖人者智通乎大道應變而不窮測物之情性穆穆純純莫之能循此則聖人也論語曰太宰問於子貢曰夫子聖者與何其多能也子貢曰固天縱之將聖又多能也家語曰聖者德合天地變通無方也尚書大傳曰天無烈風淫雨中國有聖人韓詩外傳曰辟土殖穀者后稷也決江疏河者禹也聽獄中者皋陶也然而有聖名者堯也孟子曰觀於海者難為水遊於聖人之門難為言老子曰聖人無常心以百姓心為心善者吾善之不善者吾

亦善之 莊子曰以德分人謂之聖 又曰智似深
淵明如日月謂之聖 又曰夫卜梁倚有聖人之才
而無聖人之道我有聖人之道而無聖人之才吾教
之其果爲聖人也 又曰堯辭封人曰我以汝爲聖
人曰夫聖人鶉居而鷦食鳥行而無迹天下有道則
與物皆昌天下無道則修德就閒千歲厭世去而上
仙乘彼白雲至於帝鄉三患莫至身常無殃則何辱
之有 列子曰龍叔謂文摯曰吾有疾子能已乎文
摯卽命龍叔背明而立文摯從後向明而望之旣而
曰嘻吾見子之心矣方寸之地虛矣幾聖人也子心

六孔流通一孔不達今聖智爲病者或由此乎 又
曰商太宰見孔子曰丘聖者與答曰聖則丘何敢曰
三王聖者與答曰三王善任智勇者聖則丘弗知曰
五帝聖者與答曰五帝善任仁義者聖則丘弗知曰
三皇聖者與答曰三皇善因時者聖則丘弗知商曰
然則孰者爲聖孔子曰西方聖者不治而不亂不言
而自信不化而自行蕩蕩乎民無能名焉 又曰庖
犧女媧神農夏后蚩身人面牛首此非人之狀而有
人聖之德 文子曰聖人同死生愚人亦同死生聖
人之同死生明於分理也愚人之同死生不知利害

所在也。又曰：聖人以仁義為準繩，中繩之謂君子，不中繩之謂小人。管子曰：聖人若天然，無私覆若地，然無私載也。私者亂天下也。孫卿子曰：神固謂之聖人，聖人者道之管也。天下之道，管此矣。又曰：天下無二道，聖人無兩心，神人無功，聖人無名，聖人者天下利器也。淮南子曰：聖人不貴尺璧而重寸陰，故禹之趨時也履遺而弗取，冠挂而弗顧。又曰：唯聖人爲能知權言而必信期，而必當天下之高行也。又曰：孔子不黔突，墨子不煖席，是故聖人蒙恥辱以干世主者，非以貪祿慕位欲事天下之利，除萬民之害也。神農憔悴，堯瘦臞，舜微黑，禹胼胝，由此觀之，則聖人之憂勞百姓亦甚矣。又曰：古者聖人勞形盡慮爲民興利除害，羸天下之憂而任海內之事，聖人之憂民如此其明也。揚子法言曰：或問孔子之時，諸侯有知孔子聖者，與曰：知之若知之，則曷爲不用？曰：不能曰知聖而不能用，可得聞乎？曰：用之則棄其所習，逆其所從，彊其所劣，損其所能，非天下之至孰能用之。說苑曰：聖人之於百姓也，其猶赤子乎？饑者食之，寒者衣之，將之養之，育之長之，唯恐其不至於大也。六韜曰：聖人與天下之人皆安樂。

又曰聖人守無窮之府用無窮之才天下仰而治之
姚信士緯曰聖人高不可極深不可測窮神知化
獨見先識仁若春陽信若影響此所稟於天也

聖二初學

聖受圖

加算

尚書考曜靈曰四千五百六十歲
初握命凡起者河乃出圖黃帝

玄注曰聖謂堯也天握命人當起者河乃出圖黃帝
青受而思之以受曆數也河圖曰黃帝曰凡人生
一日天帝賜筭三萬六千入賜紀二十聖人得三萬
六千七百二十月人得三萬六千一紀主一歲聖人
加七百燭遠照微尺子曰聖人之身猶日也天曰
所燭遠顏延之論檢曰聖虛心正已老子曰小其
人者靈照燭微理絕功外聖虛心正已老子曰小其
而實其腹尸子曰聖人中參天配地聖易曰昔者
正已也故曰天地之府

易也幽贊於神明而生著參天兩地而倚數大戴
禮曰哀公問曰何謂聖人者其事大配乎天地參乎

日月若天之合節應樞韓詩外傳曰舜生於諸馮
司莫之能識合節應樞韓詩外傳曰舜生於諸馮

去懸隔然得志而行乎中國如合符節孔子曰先聖
後聖其揆一也殷康論易曰應樞穆穆洋洋上詳類

昔伏羲始畫八卦觀象以應樞穆穆洋洋上詳類
書曰聖謨洋洋隨時舉事以德分人時而舉事因資

洋嘉言孔彰隨時舉事以德分人時而舉事因資
而立功守清道拘雖節因循而窮神知化盡妙體

應變常後而不先五行論曰聖人盡衆妙先識玄照
當上詳類聚不求有所示而物自親之先識玄照

上詳類聚不求有所示而物自親之先識玄照
陰陽之理即聖人所盡但盡陰陽之理則玄照之本

自見此謂不求於自兼應兩忘道以至虛順通聖
知而理盡自然知者兼應兩忘道以至虛順通聖

人以忘懷兼應劉瑾論曰聖不相無名唐史記曰
人體蘊乾坤故有無兩忘也聖不相無名唐史記曰

人部 卷百三十一 五 聖 相

衛 晉孫楚尼父頌曰皇矣尼父聖哲之傑德比天
地明齊日月周室陵遲大道蕪穢禮樂崩阻姦雄罔
世乃養門徒廣延俊乂垂訓列國頌聲魯衛威震夾
谷義厭陳蔡德之休明幽而彌泰超美三代風馳雲
邁 唐顏師古聖德頌曰天下文明日月貞觀百神
受職三靈叶贊太階既平光華照爛超軒跨皞騰周
軼漢萬壽無疆永延遐筭

晉陸機孔子贊曰孔子獻聖配天弘道風扇玄流
思探神寶明發懷周興言謨老靈臯有行言觀蒼昊
清醴先誠丹書有造 晉湛方生孔公贊曰文王既

沒微言將墜邈哉孔公龍見九二闡化繫象素王洙
泗發揮中葉道映周季

碑後漢禰衡魯夫子碑曰受天至精純粹睿哲崇高
足以長世寬容足以廣包幽明足以測神文藻足以
辯物然而敏學以求之下問以諏之虛心以受之深
思以詠之愍周道之廻遘悼九疇之乖悖故發憤忘
食應聘四方魯以大夫之位任以國政之權譬若飛
鴻鸞於中庭騁騏驥於閭巷也是以期月之頃五教
克諧移風易俗邦國肅焉無思不服懿文德以紆餘
綴三五之紀綱流洪耀之休赫曠萬世而揚光夫大

明以動天則也廣大無疆地德也六經混成洪式也
備此三者聖極也合吉凶於鬼神遂殂落於夢寐是
以風烈流行無所不通故立石銘勛以示昭明辭曰
煌煌上天篤降若人邈矣悠哉千祀一鄰明德弘監
情性存存奕奕純嘏稽憲乾坤曜彼靈祇以訓黎元
終日乾乾配天之行在險而正在困而亨窮達之運
委諸穹蒼日月則陰天地不光聖叡殂崩大猷不綱
論後漢孔融聖人優劣論曰荀愜等以爲聖人俱受
乾坤之醇靈稟造化之和氣該百行之高善備九德
之淑懿極鴻源之深闊窮品物之情類曠蕩出於無
外沈微淪於無內器不是周不充聖極荀以爲孔子
稱大哉堯之爲君也唯天爲大唯堯則之是爲覆蓋
衆聖最優之明文也孔以堯作天子九十餘年政化
洽於民心雅頌流於衆聽是以聲德發聞遂爲稱首
則易所謂聖人久於其道而天下化成百年然後勝
殘去殺必世而後仁者也故曰大哉堯之爲君也堯
之爲聖也明其聖與諸聖同但以人見稱爲君爾
管華譚新論曰夫體道者聖遊神者哲體道然後寄
意形骸之外遊神然後窮理變化之端故寂然不動
而萬物爲我用塊然玄默而衆機爲我運 殷仲堪

天論曰天者為萬物之根本冥然而不言百姓生而不有其功萬物成而不疲其勞聖者承天之照用天之業聖宣其道者也 梁沈約辯聖論曰聖人蓋人中之含明德盡照精粹凝玄者或三聖竝時或千載寂蔑聖人遺情忘已常以兼濟為念若不登九五之位則其道不行非以黃屋玉璽為尊貴也文王造周而未集武王集之而未成周公雖無王錄而父兄二聖之烈不可以不終若非表以聖功制禮作樂則太平之基不著二聖之美不彰孔子當無錄之運值自晦之時而云河不出圖洛不出書吾已矣夫欲以聖德示天下垂來世當符尼在世之時世人不言為聖人也伐樹削迹于七十君而不一值或以為東家丘或以為魯家犬若不高嘆鳳鳥稱夢周公樂正雅頌各得其所則當世安知其聖人乎

○賢一 藝文類聚

毛詩序曰丘中有麻思賢也 又曰南山有臺樂得賢也得賢則能為邦家立太平之基矣 尚書曰所寶惟賢則邇人安 又曰野無遺賢 論語曰賢者避世其次避地其次避色其次避言 又曰見賢思齊焉見不賢而內自省也 又曰賢哉回也一簞食

一瓢飲回也不改其樂 又曰臧文仲知柳下惠之賢而不與立也 又曰賢賢易色 家語曰孔子讀史至楚復陳喟然曰賢哉楚莊王輕千乘之國而重言之信非申叔時之忠弗能見其義非莊王賢弗能受其訓 又曰哀公問孔子曰當今之君孰者最賢孔子曰有衛靈公乎公曰吾聞其閨門無別而子賢之何也對曰靈公之弟曰公子渠牟其智足以治千乘靈公任之有大夫史鮒以道去衛而靈公却舍琴瑟不御臣以此賢之不亦可乎 京房易飛候曰視四方常有火雲五色具而不雨其下有聖賢人隱

韓詩外傳曰聖人求賢者以自輔 又曰魏文侯問孤卷子曰父子兄弟君臣賢是恃乎對曰父賢不過堯而丹朱放子賢不過舜而瞽瞍拘兄賢不過舜而象傲弟賢不過周公而管叔誅臣賢不過湯武而桀紂伐君欲治亦從身始人何可恃 春秋繁露曰氣之清者為精李固表作神人之清者為賢治身者以積精李固表作練神為寶治國者以積賢為道 呂氏春秋曰公孫枝獻百里奚於繆公三月請屬事焉公曰買之五羊之皮而屬事無乃為天下笑乎枝曰信賢而任之君之明也議賢而下之臣之忠也夫誰笑哉 又曰

賢者遺人以仁 又曰得地千里不如得一賢也

又曰魏文侯過段干木之間而式其僕曰君胡式曰

干木賢者也吾安敢不式干木富乎義賈人富乎財

列子曰治國之難在於知賢而不在自賢 申子

曰千里有賢者是比肩而立也 孫卿子曰古之賢

人食則餽粥不足衣則短褐不完然而非禮不進非

義不受 韓子曰晉平公問叔向曰吾羣臣孰賢對

曰趙武賢武立如不勝衣言如不出口然其所舉者

數十人皆令德也 尹文子曰尹文子見齊宣王宣

王嘆國寡賢尹文子曰使國悉賢孰處王下王曰國

悉不肖孰理王朝王曰賢與不肖皆無可乎文子曰

不然有賢有不肖故王尊於上臣卑於下賢賢退不

肖所以有上下也 國語曰曰季使舍於冀野冀缺

擗其妻饁之敬相待如賓歸而進之曰得賢人敢以

告文公曰子何以知其賢也對曰臣見其不忘敬也

使為下軍大夫 黃石公三畧曰傷賢者殃及三世

蔽賢者身當其害達賢者福流子孫嫉賢者名不存

一作 物理論曰賢人為德體自然也故語曰黃金

累千不如一賢

賢二初學記

語林曰賢者國之紀人之望自古帝王皆以之安危

故書曰惟后非賢不又惟賢非后不食昔者周公體

大聖之德而勤於吐握由是天下之士爭歸之向使

周公驕而且吝士亦當高翔遠去所至寡矣說苑曰

夫絕江海者託於舟致遠道者託於乘欲伯王者託

於賢西京雜記曰漢文帝為太子立思賢苑以招賓

客周書陰符曰凡治國有三常一曰君以舉賢為常

二曰官以任賢為常三曰士以敬賢為常夫然雖百

代可知也

樂道 周禮曰以賢制爵則民

有公儀潛賢者也樂**建官** 制爵 尚書曰建官惟賢

道好古恬於榮利

功垂拱而天下**配聖** 法天 西京武昭王賢明魯顏

神機用舍行藏配德聖師 黃帝素

問曰賢人者法則天地象以日月

宗洞照 孫子荆八賢讚曰季子聰哲思心精微玄覽

峩有道英風霞爽玄

覽洞照慧心秀朗 **詩喻鶴鳴** 易稱鴻漸 鶴鳴詩曰

宣王也鶴在野聞其鳴聲喻賢者雖隱居人咸知之

其羽可用 **管生抱璞** 楚老含真 李尤九賢管微君

為儀古 **頌曰** 楚老潛一寂翫無為含真內外載戰羽儀積禮

志願神抱璞秉和履信依仁 謝萬八賢楚老積禮

富義 風於野使天下欣欣然歌舞其德 下詳類

國器 人表 幽通賦曰天造草昧立性命兮復心

弘道性賢聖兮渾元運物周流

而不處兮保身遺名人之表兮 **宰予風舉** **戴矯雲**

卷一百三十一

賢

停王虞宰我讚曰翩翩宰我首名言語志表義章英

猗猗秋霜才執節雲停顧承鴻飛史霄鳳立傳奮武

志勵秋霜水潔玉清顧承鴻飛史霄鳳立傳奮武

將軍顧承讚曰於鏢奮武奕奕全德在家必聞鴻飛

高陟又上虞令史霄讚曰猗猗上虞金瑩玉貞鳳

立鸞時題玉粹金貞孫綽原憲讚曰原憲玄默水

矣不傾常景古賢詩曰嚴公體沈靜立志避時絕俗詳

明霜雪素節邁金貞清標凌玉澈避時絕俗詳

類聚徐整豫章列士傳曰議郎舒令施陽字季儒

後已為行贈帛推衣韓詩外傳曰孔子遇齊程本

稱為賢者贈帛推衣韓詩外傳曰孔子遇齊程本

日甚悅顧子路曰由來取東帛以贈先生子路曰由

也聞之於夫子士不中道相見女無媒而嫁者君子

不行也孔子曰詩云有美一人清揚婉兮邂逅相遇

適我願今日夫齊程本下天下之賢士也吾於是而

贈蔡邕琴操曰昔思葦子成文子叔儋子三人相

與為友聞楚成王好士三子相與俱往見之於豪嶽

巖之間卒遇飄風暴雨俱伏於空柳之下衣寒糧乏

度不俱活三人相視歎曰與其俱死也豈若併衣糧

於一人哉二子以摘光戢景謝萬八賢頌曰皎皎

華為賢推衣讓之摘光戢景謝萬八賢頌曰皎皎

鳳從糾塊為纍囚沐浴西郊鸞飛詹丘李尤九賢

華太尉頌曰豐豐敬侯誕縱主神明安社稷家語

淑姿令迹鳳翔清塵龍飛主神明安社稷家語

賢人百福之宗也神明之主也徐幹中論曰大賢

和社稷以安兆人受辨星辰學宇宙賢人者辨星

其福羣生賴其作李尤九賢稽中故頌曰克勤克

儉知章知微家尚書曰帝曰來禹克勤於邦克儉於

高辛氏有才子八人伯奮仲堪叔獻季仲伯虎仲熊

叔豹季狸忠肅恭懿宜慈惠和天下之人謂之八元

論語曰夫子温良恭儉讓以得之勞身苦體

者也明不能與聖人分職常戰慄恐懼故舍于樹下

而聽斷焉勞身苦體然後乃與聖人齊是周南無美

也砥節礪行不事諸侯穆公因子思欲以為相揮金

讓玉園中鉏菜見地有片金揮鉏如故與瓦石無

異華提而擲夫劉向新序曰宋人有得玉者獻諸

司城子罕子罕讓不受曰我以不貪為寶爾以玉為

寶若與我皆喪寶也不若各有其寶宋虛已忘心

任般別傳曰為人淳粹愷悌虛已如不足恭敬如有

畏其修德履義皆沈默潛行莊子曰養志者忘形

致道者忘心天授神輔周斐汝南先賢傳曰黃憲

名以詭時不抗行以矯俗論者咸曰顏子復生乎漢

代矣而其祖族出自孤鄙父為牛醫少無度教而後

能傑然秀出可謂天授者也文子曰參日月象

積道德者天與之地助之鬼神輔之

天地莊子曰余將去汝入無窮之門以遊乎無極之

學以崇智故得廣業力行而卑體故能崇德

是以君子居謙而弘道然後德能象天地

賢三帖 慕賢 知賢附

受賞 進賢受 守節 傳曰前志有 樂共 詩序南有嘉魚

令終 昭明有融 勸 去讒遠色賤貨聚 太史奏五百

勿貳 勿貳 賢 使不爭 老子不尚賢 宜有後 賢者子孫

恥名 浮 取名之 不隕 貧 賤 賢者不隕 獲于貧 悟於榮

辱 謝 通簡有識人服其遠揚而 安往 不愛 行賢

去自賢之行 我獨何傷 嚴君人謂湛詐善湛曰人皆

安往而不愛 我獨何傷 嚴君人謂湛詐善湛曰人皆

卷一百三十一

賢

善何傷乎 許惡我獨許 不肖之杖 賢不有方之士 魏文

得譽於諸侯 魏文侯師于方得譽於諸侯 叔堅圖形於

屈廟 後漢馬叔堅鄉里取賢歛才 舉賢援能慕賢

執轡 魏公子執軾廬 魏文侯軾段干木 執鞭曰晏子

在余雖執傾座 漢臨邛令不敢嘗食身請司馬 御李

鞭所欣慕 元禮以聲名自高士有得接遇者名為登龍

李膺字元禮 其門因為其御既還喜曰今日乃得御

門荀粲常就其門 司馬相如為人遂名相如 蒲葵扇謝

李君矣 其見慕 閻相如為縣還市價數倍 練布衣

風流時多愛慕 故人罷中宿縣還市價數倍 練布衣

五萬安取中者 題之京師 慕效競市價數倍 練布衣

王導為大保時 帑藏諸庫中 唯練千幅 鬻之不得國

用不給 導乃製練布 單衣士人翕然效之 練遂昂貴

效折角 郭林宗行遇雨 巾一角墊之 效掩鼻 謝安能詠

生有鼻疾 故音濁 名衣潤而行霧 室香而襲衣 知

流學詠者 掩鼻效之 衣潤而行霧 室香而襲衣 知

賢倒屣 王粲字仲宣 詣蔡邕 邕倒屣迎 粲年少容

吾家書籍 文覓船 劉琰為丹陽尹 張憑字長宗 詣琰

章當盡與之 覓船 延之上 坐言 彌日 嘗留宿 至且遣

之憑遂還船 須臾 琰傳教 我輩人 石苞字仲容 既知

覓張孝廉 船便召同載 我輩人 當相引 在朝 吾師表 字叔

求為小縣 乎苞曰 卿我輩人 當相引 在朝 吾師表 字叔

何小縣乎 苞曰 卿我輩人 當相引 在朝 吾師表 字叔

度世貧賤 苟遇憲 於逆旅 時年十四 疎然異之 謂

子吾之師表也 既前見 表闕所未及 勞問 叔曰 子國

有顏子識之乎 閔 薛宣丞相 薛宣為不其丞 琅邪太

曰見吾黃叔度 耶 薛宣丞相 薛宣為不其丞 琅邪太

牛心

王羲之字逸少年十三講周顛顛異之時重晏牛心炙坐客未暇顛先割數義之由是知名

子贖越石

謝尙就袁宏

頌漢王褒聖主得賢臣頌曰夫賢者國家之器用也所任賢則趨舍省而功施普器用利則用力少而就効衆故工人之用鈍器也勞筋苦骨終日斲斲及巧冶鑄干將之樸清水淬其鋒越砥斂其鐔水斷蛟龍陸刺犀革使離婁督繩公輪削墨雖崇臺五層延袤百丈而不溷者工用相得也故服絺絺之涼者不苦盛暑之鬱燠襲貉狐之煖者不憂至寒之凄愴何則有其具者易其備賢人君子亦聖王之所以易海內

也君人者勤於求賢而逸於得人入臣亦然昔賢者之未遭遇也圖事揆策則君不用其謀陳見惻誠則上不然其信進仕不得施効斥逐又非其愆是故伊尹勤於鼎俎太公困於鼓刀百里自鬻審子飯牛及其遇明君遭聖主也運籌合上意諫諍則見聽進退得關其忠任職得行其術剖符錫壤而光祖考傳之子孫以資說士故世必有聖智之君而後有賢明之臣詩曰思皇多士生此王國故世平主聖俊又將自至若堯舜禹湯文武之君獲稷契臯陶伊尹呂望之臣明明在朝穆穆列布故聖主必待賢臣而弘功業

俊士亦俟明主以顯其德上下俱欲歡然交欣千載
一會論說無疑冀乎如鴻毛遇順風沛乎若巨魚縱
大壑其得意如此則胡禁不止曷令不行化溢四表
橫被無窮遐夷貢獻萬祥必臻是以聖王不徧窺望
而視已明不殫傾耳而聽已聰

晉後漢王粲正考父贊曰恂恂正父應德孔盛身為
國卿族則公姓年在耆耄三葉間政誰能不忘申茲
約敬饘粥予口僂僂受命銘書金匱作及後聖西
晉嵇康原憲讚曰原憲味道財寡義豐栖遲華門安
賤固窮絃歌自樂體逸心冲進應子貢邈有清風

晉摯虞左丘明讚曰丘明作史時惟衰周錯綜墳籍
思弘徽猷闡明正典光演春秋誕宣聖旨曠代彌休
晉夏侯湛顏子贊曰知章知微體深研機明象介
石量同聖師探蹟罔滯在言靡遺仰諸惟高瞻之攸
希左丘明贊曰世亂讒勝君子道憂丘明達聖致
志春秋微言逃難躬行不流庶幾斯文希志訓猷
晉戴逵顏回贊曰神道天絕理非語象不有伊人誰
憐誰仰際盡一時照無二朗契彼玄迹冥若影響
晉孫楚顏回贊曰束身勵行宗事聖道鑽仰孜孜視
予猶考東晉謝萬七賢嵇中散讚曰邈矣先生英

標秀士希巢洗心擬莊託相及放乃逸邁茲俗網鍾
期不存奇音誰賞

碑後漢禰衡顏子碑曰稟天地之純和鍾岳瀆之休
靈睿哲之姿誕自初育英絕之才顯乎嬰孩在束脩
之齒入宣尼之室德行邁於三千仁風橫於萬國知
微知彰聞一覺十用行舍藏與聖合契名為四友之
冠寔盡疏附之益爾乃安陋巷挹清流甘簞瓢以充
飢雖屢空而不憂于時河不出圖周作未訖仲尼無
舜禹之功先生包元凱之烈其辭曰亞聖德蹈高蹤
遊洙泗肅禮容備懿體心彌沖秀不實振芳風配聖

饋同辟雍紀德行昭罔窮

論魏高貴鄉公顏子論曰心不違仁行無二過用行

舍藏與同進退

一作與契聽承聖

一作言罔有不喻敘

之於易以章殊異死則悲慟謂天喪已所以殷勤至

於此者聖人嘉美良才

賢哲之効也設使天假之年

後孔子沒焉知其不光明聖道闡揚師業有卓爾之
美乎百慮之所得愚者有焉願後之君子詳覽之焉

爾

○忠 藝文類聚

說苑曰逆命利君謂之忠 又曰楚莊王立三年不

聽朝令於國曰諫者死蘇從曰處君之高爵食君之厚祿愛死不諫非忠也乃諫 又曰卑身賤體夙興夜寤進賢不解數稱往古之行事以厲主意庶幾有益以安國家如此者忠臣也 左傳曰晉獻公使荀息傅奚齊對曰臣竭其股肱之力加之以忠貞其濟君之靈也不濟則以死繼之公曰何謂忠貞對曰公家之利知無不為忠也送往事居耦俱無猜貞也 又曰晉懷公命無從亡人狐突之子毛及偃從重耳在秦弗召懷公執突曰子來則免對曰子之能仕父教之忠策名委質貳乃辟也父教子貳何以事君乃

殺之 又曰楚子滅若敖氏其孫歲尹克黃使於齊聞亂其人曰不可以入矣歲尹曰君天也天可逃乎遂歸復命自拘司敗 又曰季文子無衣帛之妾無食粟之馬無藏金玉無重器備君子是以知季文子之忠於公室也相三君矣而無積可不謂忠乎 又曰楚子囊將死遺言謂子庚曰必城郢郢楚所徙都木有城郭 君子謂子囊忠將死不忘衛社稷可不謂忠乎忠民之望也 禮記曰為人臣殺其身有益於君者則為之 孝經曰君子之事上也進思盡忠退思補過將順其美匡救其惡 家語孔子曰晏子於君為忠臣

於行為恭敏 韓詩外傳曰有大忠有次忠有下忠
 以道覆君而化之大忠也以德調君而輔之次忠也
 以是諫非而怨之下忠也若周公於成王可謂大忠
 管仲於桓公可謂次忠子胥於夫差可謂下忠矣
 又曰狄人逐衛懿公於榮澤見殺盡食其肉獨舍其
 肝弘演使還哭畢呼天因自出其肝內懿公之肝齊
 桓公問之曰弘演可謂忠矣 晏子梁丘據問晏子
 曰子事三君君不同心而子俱從焉仁人固多心乎
 對曰一心可以事百君百心不可以事一君 史記
 曰項籍圍漢王於滎陽漢將紀信曰事已急請為王

王可間出紀信詐為漢王乃乘黃屋車傳左肅曰城
 中食盡漢王降楚軍皆呼萬歲漢王與數十騎出項
 王燒殺紀信 漢書曰非劉氏不王高祖制詔御史
 長沙王吳芮忠其定著令 又曰王莽遣使者即拜
 龔勝以印綬就加勝身勝輒推不受曰吾受漢家厚
 恩無以報豈以一身事二姓哉語畢遂不復飲食積
 十四日死 東觀漢記曰光武於大會中指王常謂
 羣臣曰此家率下江諸將輔翼漢室心如金石真忠
 臣也是日遷常為漢中將軍 續漢記曰陰識拜特
 進極言正議至與賓客語不及國事常慕仲山甫夙

夜匪懈 又曰溫序爲護羌校尉行部至隴西爲隗
囂別將苟宇等所劫宇謂序曰子若與我併威同力
天下可圖欲生降序序大怒曰受國重任分當効死
義不貪生以節搃殺人賊趨欲殺序宇止之曰義士
欲死節賜劔令自裁序受劔銜鬚著口中歎曰無令
鬚汗土遂伏劔 謝承後漢書曰漢安元年選遣八
使巡行張綱獨埋輪都亭奏大將軍梁冀無君之心
十五事皆臣子所切齒者詳本 魏志曰王修爲大
農郎中令時嚴才反攻掖門修聞變將官屬出至宮
門太祖在銅雀臺望見之曰彼來者必王叔治也相

國鍾繇謂修曰舊京城有變九卿各居其府修曰居
府雖舊非赴難之義也 又曰典韋拜都尉太祖引
置左右將親兵數百人常繞帳韋性忠至謹重常晝
立侍終日夜宿帳左右稀歸私寢 蜀志曰初諸葛
亮自表後主成都有桑八百株薄田十五頃子孫衣
食自有餘至於臣在外任隨身衣食悉仰於官若臣
死之日不使內有餘帛外有贏財及卒如其所言
周處別傳曰胡賊齊萬年爲亂以處爲建威將軍以
兵五千受夏侯俊節度處遂進軍大戰奮劍慷慨仰
天歎曰古者良將受命鑿凶門以出蓋有進無退我

為大臣以身殉國不亦可乎遂戰死

忠二初學

東觀漢記曰鮑永字君長行縣過更始冢引車欲下從事諫止之永曰親北面事人何忍車過其墓雖獲罪司隸不辟也遂下車哭盡哀上問之問公卿曰奉使如此何如太中大夫張堪對曰仁者百行之宗忠者禮義之宗仁不遺舊忠不忘君行之高者上悅

對孔達成衛安于定趙

左傳曰晉以衛之救陳也歸將加而師孔達曰苟利社稷請以我死遂縊而死衛人以說于晉而免衛人以為成勞後以其子復代其位又曰智文子使告趙孟曰范中行氏雖為亂董安于則發之是安于與謀亂也趙孟患之安于曰

我死而晉國寧趙氏定楊仁被甲 怨詹負戈 彪漢

將焉用生乃縊而死書曰揚仁字文義明帝時待詔補北宮衛士及帝崩時諸國貴盛各爭欲入宮仁被甲持戟嚴勒門衛莫敢輕進者王隱晉書曰王敦將作逆明帝問應詹曰如何詹命之禍以順討逆即張飛橫矛 鈺期奮戰不顧族命之禍以順討逆即張飛橫矛 鈺期奮戰蜀志曰先主奔荆州曹公追之先主棄妻子走使張飛將二十騎距後飛據水斷橋曠日橫矛曰予張翼德也可來共決無敢近者東觀漢記曰鈺期從光武畧地時王郎檄書到薊中起兵應王郎上趣駕出百姓聚觀喧呼滿道遮路不得行期騎馬奮耿恭推戰曠日大呼左右曰走衆皆披靡鈺音姚 耿恭推誠 傅彤授命 范曄後漢書曰耿恭守疏勒明帝崩與士推誠同死生故皆無二心蜀志曰先主退軍義陽傅彤斷後拒戰兵人死盡吳將語彤令降罵曰吳狗豈有漢將軍降者遂戰死拜子僉為左中郎將後為關羽都督景曜六年又臨危授命論者嘉其奕

人部 卷一百三十一 三

世忠 紀信傳 蘇稽紹端冕 上詳類聚 王隱晉書

義行 在王旅 敗績於蕩陰 百官左右皆奔散 唯紹儼

然端冕 以身捍衛 兵及御輦 飛箭雨集 遂以見害 血

衣御 王堪杖節 周處奮劍 常長安 東海于越 表王

堪為 尚書右僕射 假節都督 奉迎諸軍 事進於灞水

上與 郭偉力戰 堪杖節 臨陣慷慨 氣冠六軍 即斬偉

迎惠 帝還洛陽 其後為 石勒所襲 壘破左右 扶堪上

馬堪 慨然歎曰 我國家 大將不能 禦難 以至於此 奈

何 面復還 朝廷終 不動 柳隱 堅壁 羅獻 保地 常

騎 遂至 被害 柳隱 字休然 魏鍾會 伐蜀 入漢川 大城

多 下 唯隱 堅壁 不動 後主 既降 以手令 敕隱 隱乃 詰

會 晉文 帝聞 而義之 習鑿 齒襄陽 耆舊 記曰 魏伐

蜀 羅獻 為巴 東守 吳聞 蜀已 敗遣 盛獻 等水 陸並 到

軍 保城 告誓 將士 願以 節義 莫不 用命 蜀獸 後宮 皆坐

馬 漢書 曰孝 元帝 馮昭 儀直 當熊 前而 立上 問何 故當 熊

對 曰猛 獸得人 而止 妾恐 熊至 御坐 魏志 曰曹 洪

字 子廉 太祖 從弟 也太 祖起 義兵 下馬 以馬 授太 祖

到 汴水 水深 不得 渡 洪循 水得 船與 太祖 共濟 申

斷 臂 弘演 納肝 於海 將入 死之 門者 以告 崔杼 杼令

勿 內之 申杼 曰汝 疑我 乎吾 與汝 臂乃 斷左 臂而 與

門 者以 示崔 杼杼 陳入 列令 入申 杼萬 殺閔 公仇 牧而 北

類 聚下 詳碎 首袒 背之 趨而 至遇 之於 門手 劍而 北

強 禦矣 殺仇 牧碎 其首 齒著 于門 闔仇 牧可 謂不 畏

徒 人費 弗得 鞭之 見血 走出 遇賊 于丘 喪屨 反誅 屨於

日 我奚 禦哉 祖而 示之 背信 之費 請先 人劫 而束 之費

門 下死 于街 鬚填 目之 上詳 類聚 梁祚 魏統 曰曹 公

戰 門中 兵敗 賊從 他門 入韋 突令 德高 行忠 為令

殺 數人 重創 曠目 大罵 而死 諸葛 興漢 左傳 曰晉 人

德 臣下 之忠 高行 李孫 相魯 諸葛 興漢 左傳 曰晉 人

忠 李孫 相魯 諸葛 興漢 左傳 曰晉 人

之於莒丘范文子謂樂武子曰季孫於魯相三君矣

妾不衣帛馬不食粟可不謂忠乎蜀志曰諸葛亮

表曰今南方已定兵甲已足報先帝而忠於陛下之

職分也漢室還於舊都此臣所以報先帝而忠於陛下之

也門上以觀越寇之滅吳也乃白到而比于忠諫謂其

朝涉之脛剖賢人之滅吳也乃白到而比于忠諫謂其

剖而有異于人奉初推後左傳曰楚平王信讒使奮

奮揚曰言出於余口入於爾耳誰告建也對曰臣告

之君王命臣曰事建如事余臣不佞不能苟奉初

以還不忍後命故遣之黥請問黥先發之弘推其後

不可不肯庭辨常與汲黥請問黥先發之弘推其後

復楚歸邾左傳曰我初伍員與申包胥發其亡也謂

能覆之我必與之及昭王在隨包胥如秦乞師立依

於庭而哭日夜不絕聲勺飲不入口如是秦師乃出

帛又曰師入邾邾眾保於緹邾茅夷鴻以不勃蘇晝

帛乘車請救於吳吳子伐魯而邾子歸之也勃蘇晝

宵泣七日不得水漿無入於口秦王聞而走之冠劍

不相及左奉其首右濡其口於是秦救楚退吳師復

楚國許肅列傳曰肅為愍帝侍中帝送平陽項之

劉聰陰行鳩毒帝因食心悶欲見肅肅馳詣前帝已

不能語執肅手流涕肅歔歔登林帝遂城郢復陳

殂於扶抱之中晝夜號泣哀感異類

上詳類聚家語曰孔子讀史至楚復

陳歎曰非申叔時之忠不能建其義

禮記曰公叔文子卒其子成請謚於君君曰昔衛國

有難夫子以死衛寡人亦貞乎

長孺好而折不能容人過其諫犯

主顏色常慕伯素益之為人束帛羸糧並見

冒難經險許肅冒難侍愍帝左右賊共議曰此晉

節夷險而一龔勝推印胡剛懸冠

廣六葉祖剛清高有志節平帝時大司馬

辟之王莽居攝解其衣冠懸府門而去石碣滅親

人部卷二百三十一

樂羊食子

君敢即圖之陳人執之而請於衛衛人使右宰醜蒞
 殺州吁于濮石碻使使其宰歸羊肩茲殺石厚於陳君
 子曰石碻純臣也惡州吁而厚與焉大義滅親其是
 之謂乎韓子曰樂羊為魏將攻中山其子在中山
 中山之君烹其子而遺之
 樂羊坐於幕下而饗之
 漢記曰王郎遣將攻信都大姓馬寵開城內之收李
 忠毋妻子而令親屬招呼忠時寵弟從忠為校尉忠
 時召見責數之令親屬招呼忠時寵弟從忠為校尉忠
 家屬在人手中殺其弟何也忠曰若縱賊不誅則二
 心也上聞而謂忠曰今吾兵已成矣將軍可歸救若
 毋妻子忠曰蒙明公大恩吾兵已成矣將軍可歸救若
 親及妻子使為手書呼彤曰降者刊爵不降者滅族
 弟泣報曰事君者不得顧家彤親所刊爵不降者滅族
 於信都者劉公之恩公事方爭國不得復念私也

忠三帖

委質復國語中行穆子圍鼓以鼓子宛支來令鼓人各
 我君是事非常士也名曰君臣豈曰士臣穆子曰
 鼓有君矣曰臣委質於翟之鼓未委質於晉之鼓納
 刑矣諫而自納於刑刑猶不忘納君於善毀家文
 毀家以紆難易位晉韓厥逐齊侯既及逢丑父與君易
 楚國之難易位晉韓厥逐齊侯既及逢丑父與君易
 故公得下車而免韓厥獻丑父卻獻子將戮之曰代
 其君任患者戮之不祥舍之以勸事君者乃免之
 柱石安社稷宗廟亂霍光憂懣田延年曰伊尹廢太甲
 之亦漢甲冑以為甲冑臨大節可以託六尺之孤可
 節而不可輔少主人使輔少主守城郭責育不如上
 奪君子也輔少主人使輔少主守城郭責育不如上
 曰古有社稷思利民忠也利不忘君忠不在三之
 臣如黷近之師教無二之心又曰君命無二王蠋縊樹
 義之君食之師教無二之心又曰君命無二王蠋縊樹

蠋曰齊人多高子之義吾將封子萬家蠋曰忠臣不

事二君貞女不事二夫齊王不聽吾諫故退耕今國

亡無義自固繫頭於樹奮絕而死齊士大夫曰王蠋

布衣義不北面於燕况食士式佐軍呂嘉反士式上

皆當盡節其駕下死以自貶史記史魚將死不能進

者宜出財以佐軍死以自貶衛君來弔問處不避汚不

伯玉退彌子瑕死以自貶衛君來弔問處不避汚不

之其子以告立進蘧伯玉而退彌子瑕處不避汚不

逃難歸蜀無路蜀黃權軍敗降魏魏文帝謂曰卿去

不可歸蜀無路故降耳蜀先主臨難致命晉使解楊

如宋曰晉師悉起將至矣楚子西之使反其言許之

登車而呼宋人遂致其君之命楚子乃赦之又吳楚

反圍齊齊使路中大夫告急於天子天子復令齊王

堅守二國合圍無從而入二國與盟矣若反言漢以

破齊促降許之既至城下望見齊王曰何以事君上

漢興發百萬軍使太尉救齊大夫乃誅何以事君上

為失忠與敬 不以遺賊 傳耿弇不以 時危見節 鮑昭

危見臣節世 難至見節 史忠臣累至而行明 事君以

亂識忠臣 忠 為下克忠 書 圖國忘死 貞憂國忘家 選 危

忠 臣事君 為下克忠 書 圖國忘死 貞憂國忘家 選 危

則致身 死而利國 猶或 臨患不忘國 忠 殺身以成

仁 已死已 豈同親昵之義 晏子曰國君為社稷

亡則亡之若為已死則為已亡非其 主在與在誠為

親昵誰敢任之言親昵則當死私難 主在與在誠為

社稷之臣 素益曰社稷臣者主在與 無私 不二

竭力 推誠 名以忠聞 節因危見 事君之小

心 圖國之大節 若臨患無苟 豈處死為難

誠志士之成仁 豈匹夫之為諒 不得中行誠古

人之重死 將期激節豈烈士而求生

贊梁元帝忠臣傳記託篇贊曰太真英挺投袂勤王伯猷蹈節身殞名揚嶷嶷景倩主亡與亡嗟乎尚矣惟國之良 又忠臣傳陳爭篇贊曰子政鏗鏗誠存社稷朱雲折檻遂其姪直 又忠臣傳執法篇贊曰設官分職咸曰師帥彼已之子邦之直司豺狼當路安問狐狸昏明有世直道無時 隋庾信素葢諫文帝讚曰千乘峻轍六轡危行路迴松坂山斜柳城龍淵地狹華葢風驚賢臣攬轡可謂忠貞 朱雲折檻贊曰上書直諫有怙明君先求斬馬遂請魚文忠推

欄檻義烈風雲應從御史翻賴將軍

表梁元帝上忠臣傳表曰資父事君寔曰嚴敬求忠出孝義兼臣子是以冬溫夏清盡事君之節進思將美懷出奉之義義軒攷物殷周受命三能十亂九棘五臣靡不夙夜在公忠為令德若使縉雲得姓之子姬昌魯衛之臣是知理合君親孝忠一體性與率由因心致極臣連華霄漢憑暉日月三握再吐夙奉紫庭之慈春詩秋禮早蒙丹扈之訓宣帝褒德麟閣畫充國之形顯宗念功雲臺圖仲華之象

梁王筠答湘東王示忠臣傳牋曰竊以孝實天經

忠為令德百行攸先一心靡忒昔淮南鴻烈事無的
 淮沛王通論義止儒術東平獲譽良為片言臨淄見
 稱文辭小道孰若理冠君親義兼臣子謹當宣示遐
 邇光揚德音

序梁元帝忠臣傳序曰夫天地之大德曰生聖人之
 大寶曰位因生所以盡孝因位所以立忠事君事父
 資敬之理寧異為臣為子率由之道斯一忠為令德
 竊所景行且孝子烈女逸民咸有別傳至於忠臣曾
 無述製今將發篋陳書備加論討又忠臣傳死節
 篇序曰自非識君臣之大體鑒生死之弘分何以能

滅七尺之軀殉一顧之感然平路康衢從容之道進
 危塗險徑忠貞之節與登平路者易為功涉險塗者
 難為力從容之用世不乏人忠貞之槩時難屢有
陳李元操為宣帝祭比干文曰自獨夫肆虐天
 下崩離觀竅剖心固守誠節忠踰白日義槩秋天義
 皇已來一人而已唐太宗祭比干文曰且道喪時
 昏奸邪竝用暴君虐主正直難居雖識鑒存亡詎能
 造凶殘之累智周萬物不能離顛沛之間然則大厦
 將崩非一木之能正天道去矣豈一賢之能全奮不
 顧身有死無二蹈斯節者罕有其人所以悽愴風煙

八高 卷一百三十一 三十一
靡尋餘跡喧涼丘壟空有其名雖古今殊塗年代冥
冥式遵故實爰贈太師謚忠烈公清酌少牢以陳薄
禮游臯髮髯昭此嘉誠

○忠義帖

奔先主 公擒關羽禮之甚厚而顧其無久留意張
劉公恩誓以共死不可背要當立効報曹公而後歸
及羽獲顏良曹公知其必去重如賞羽封所賜拜書
告辭而去奔先主 從鼓子 宿沙釐從鼓子曰我
曹公不令迫之 君是事非常也 執刀
叱辱 晉王育字伯春太守桓宣命為主簿宣左遷萬
吾所敬也今吾齊耳何不見迎欲以小縣令敢輕辱吾
死鷄乎育執刀叱彼曰主辱臣死小縣令敢輕辱吾
君將刺之宜跪下抱 舉旆募救 鮑宣字子都坐拒閉
育乃止由是知名

死弟子王咸舉幡募救宣者會此諸生會者
况卒厚 贈與曰恐以財貨汚君况卒厚贈非有愛也 備死不

賀劉備死羣臣皆賀袁煥不代刺史死 劉平為彭城
郡刺史孫明平胃刀伏明上請以身代賊斂 負太守

刃去明傷甚氣絕蘇求飲平以已創血飲之 負太守

逃劉茂為門下椽亦眉攻郡殺長吏茂負太守 負太守

府詔復七賢 中軍敗與郡門下議生從太守 趙謙擊黃

皆死謙得免詔和解二人 後漢吳詠嘗為馬賢所辟

誣罪應死各引詠為證詠討理無兩直自刎而著名

代死 後漢周嘉高祖父名燕宣帝時為獄曹掾太守

著燕名但言時病拷掠不聽死家詰闕詔覆考燕曰願

無撓當下蚕室不食而死行賂不言 俊字公偉為主

唐類函卷一百三十二

明東吳俞安期彙纂

明武林胡心存校訂

人部十二

孝 祿養 寬恕 義

違離 義感

不孝 羞恥

仁

○孝一 藝文 類聚

爾雅曰善事父母曰孝 毛詩曰哀哀父母生我劬
勞無父何怙無母何恃出則銜恤入則靡至父今生
我母兮鞠我撫我育我長我畜我顧我復我出入腹
我欲報之德昊天罔極 禮記曰曾子曰孝有三大
孝尊親其次弗辱其下能養 又曰公明儀問於曾

子曰夫子可以為孝乎曾子曰孝者先意承志諭父
 母於道參直養者也安能為孝乎 又曰先王之孝
 也色不忘乎目聲不絕乎耳心志嗜欲不忘乎心
 又曰生則敬養死則敬享思終身不辱 孝經曰夫
 孝天之經也地之義也民之行也 又曰夫孝始於
 事親中於事君終於立身 又曰愛親者不敢惡於
 人敬親者不敢慢於人愛敬盡於事親而德教加於
 百姓刑於四海蓋天子之孝也 論語曰父在觀其
 志父沒觀其行三年無改於父之道可謂孝矣 又
 曰孟懿子問孝子曰無違樊遲曰何謂也子曰生事

之以禮死葬之以禮祭之以禮 又曰孟武伯問孝
 子曰父母唯其疾之憂 韓詩外傳曾子曰往而不
 可還者親也故子欲養而親不待是故椎牛而葬不
 如雞豚之逮親存也初吾為吏祿不及釜尚欣欣而
 喜者非以為多也樂其逮親既沒之後吾嘗南遊於
 楚得尊官焉堂高九尺車嘗百乘然猶北嚮而泣涕
 者非為賤也悲不逮吾親也故家貧親老不擇官而
 仕 尸子曰曾子每讀喪禮泣下霑襟常以一夕五
 起視衣之厚薄枕之高卑 說苑曰曾子常有為不
 中曾皙怒援木擊之曾子有頃乃蘇退鼓瑟而歌孔

子聞之告門人曰參來勿內也昔舜事瞽瞍索而使
之未嘗不在側索而殺之未嘗可得而小箠則受大
箠則走今曾子委身待暴怒以陷父不義不孝孰大
乎 又曰韓伯瑜有過其母笞之泣母曰他日未嘗
泣今何泣對曰他得笞嘗痛今母之力不能痛是以
泣也 又曰閔子騫兄弟二人母死其父更娶復有
二子子騫為其父御車失轡父持其手衣甚單父則
歸呼其後母兒持其手衣甚厚溫卽謂其婦曰吾所
以娶汝乃為吾子今汝欺吾去無留子騫前曰母在
一子單母去四子寒其父默然故曰孝哉閔子騫一

言其母還再言二子溫 漢書曰淳于緹縈齊人淳
于意五女無男坐事當刑緹縈最小涕泣隨父到長
安上書曰妾父為監齊中皆稱廉平今坐事當刑妾
乞沒為官婢以贖父罪文帝詔免意罪并除肉刑
又曰文帝母薄太后疾文帝侍養數年衣不解帶親
供粢盛坐罪不及父母下哀矜之詔 又曰金日磾
母教誨兩子甚有法度上聞而嘉之母病死詔圖畫
於甘泉宮署曰休屠王闕氏日磾每見畫常拜之涕
泣 東觀漢記曰長沙義士古初父喪未葬鄰人火
起及初舍下棺不可移初冒火伏棺上俄而火滅

又曰趙咨至孝躬率子孫耕農為養盜嘗夜往劫之
 咨恐母驚懼乃先至門迎盜因請為設食謝曰老母
 八十疾病須養居貧乞置衣糧妻子餘物無所惜諸
 盜皆慙歎跪曰所犯無狀干暴賢者言畢奔走 又
 曰黃香字文強父舉孝廉為郡五官貧無奴僕香躬
 執勤苦盡心供養冬無被袴而親極滋味暑即扇牀
 枕寒即以身温席 續漢書曰申屠蟠九歲喪父孝
 毀過禮服除不進肉十餘年每忌日輒三日不食
 蜀志曰先主在樊率其眾南行諸葛亮與徐庶並從
 為曹公所追破獲庶母庶辭先主而指其心曰本欲

與將軍共圖王霸之業以此方寸心今已失母方寸
 亂矣無益於事請於此別遂詣曹公 吳書曰顧愷
 以孝悌廉正聞於鄉黨每得父母書灑掃整衣服設
 几案舒書其上拜跪讀之每句應諾畢復再拜父有
 疾耗之問臨書垂泣哽咽父終水漿不入口五日孫
 權為作布衣一襲強令愷釋服愷雖以公義自割猶
 以為不見父喪常畫壁作棺象設神坐於下每對之
 哭泣服未闋而卒 晉中興書曰吳隱之少有孝行
 遭母憂哀毀過禮太常韓康伯鄰居隱之每哭康伯
 母輒輟事流淚悲不自勝 郭林宗別傳曰茅容耕

於野避雨樹下衆皆夷踞相對獨容危坐愈恭林宗
 行見而奇之與言因請寓宿既而日夕容殺雞為饌
 林宗謂為已設既而以供其母自以菜蔬供客同飯
 林宗起拜曰卿賢乎我哉 荀氏家傳曰荀顛年踰
 耳順而母年九十色養烝烝以孝聞在喪憔悴貌不
 可識若嬰孺之號哀動傷人 蕭廣濟孝子傳曰媯
 皓父昆被劾入臺皓年十六髡頭詣闕通章不省號
 不飲食懷石腰中詣公卿輒出石置地叩頭流血覆
 向莫不傷懷遂奏理昆罪 師覺授孝子傳曰程曾
 年七歲喪母哀號哭泣不異成人祖母憐之嚼肉食

之覺有味便吐去 宗躬孝子傳曰吳坦之隱之兄
 也母葬夕設九飯祭坦之每臨一祭輒號慟斷絕至
 七祭吐血而死 又曰張景胤六歲喪母母遺物悉
 散施唯畱一畫扇每感思輒開匣流涕父邵為吳興
 太守暴疾報至天雪水涸便徒跣上岸左右捉履屨
 逐發都夜晝三日半至郡入郭奉諱氣絕吐血久乃
 蘇 又曰華寶八歲義熙中父從軍語寶曰吾還當
 營婚冠值咸陽喪亂吉凶兩絕寶年六十遂不冠娶
 舉言流涕 又曰何子平事母至孝為揚州從事月
 俸得白米輒貨市粟麥人或問之答曰尊老在東不

辦常得米何容獨食白粲母喪年將六十有孺子之
慕晝夜號叫暑避清涼冬不衣絮又曰桑虞喪父
年十四毀瘠過禮日食百粒以糝藜藿列女傳曰
老萊子孝養二親行年七十作嬰兒自娛著五采
爛衣嘗取漿上堂跌仆因問地為小兒啼或弄雛
鳥於親側汝南先賢傳曰薛苞好學篤行喪母以
至孝聞父娶後妻而憎苞分之令出苞日夜號泣
不能去至被歐杖不得已廬於舍外旦入而掃父怒
又逐之乃廬於里門昏晨不廢積歲餘父母慙而
還之續搜神記曰吳猛性至孝小兒時在父母邊
臥時夏月多蚊蚋而終不搖扇云懼蚊蚋去我及
父母父母終行服墓次蜀賊縱暴焚燒邑屋發掘
丘隴民人迸竄猛在墓側號慟不去賊為之感愴
遂不犯

孝二 初學

呂氏春秋曰凡理國家者必先務本務本莫過於孝
夫孝三皇五帝之本務而萬事之綱紀也執一術而
百善至禮記曾子曰身也者父母之遺體也行父母
之遺體敢不敬乎居處不莊非孝也事君不忠非孝
也蒞官不敬非孝也朋友不信非孝也戰陣無勇非
孝也五者不遂災及於親敢不敬乎夫孝置之而塞

乎天地敷之而橫乎四海斷一樹殺一獸不以其時

非孝也孝經援神契曰元氣混沌孝在其中天子孝

天龍負圖地龜出書天孽消滅景雲出游庶人孝則

澤林茂浮珍舒恠草秀水出神魚謂鱣也陟步也陟步也循咳

毛詩曰陟岵陟岵孝子行役思念父母也陟彼岵兮瞻望

母兮母曰陟岵孝子行役思念父母也陟彼岵兮瞻望

相戒以養也循彼南陔言採其蘭怡聲禮記曰適

父母之所乃下氣怡聲又曰孝子之有深愛者必

有和氣有和氣者必有愉色有愉色者必有婉容

嗣服禮記曰武王周公其達孝矣乎善繼人之志善述人

禮記曰武王周公其達孝矣乎善繼人之志善述人

事賜筭得壽禮記曰舜其大

孝也歟德為聖人尊為天子富有四海之內宗廟享

之子孫保之故大德者必得其位必得其祿必得其

名必得其壽禮記曰文王之為世子朝於王

門外問內豎之御者曰今日安否何如內豎曰安文

王乃喜及日中又至亦如之及暮亦如之其有不

節則內豎以告文王文王色憂行不能正履王季復

膳然後亦復初孝經援神契曰孝悌之至通於神

明病則致其憂顧翼全宋均注曰翼羽翼親者也盡歡

翼全宋均注曰翼羽翼親者也盡歡竭力禮記曰傷

哉貧也生無以養死無以禮也孔子曰啜菽飲水

盡其歡斯之謂孝論語子夏曰事父母能竭其力

事君能致其身與朋友交言而先意察色

有信雖曰未學吾必謂之學矣先意察色上詳類

觀漢記曰汝郁字叔異年五歲母患病不能飯食

常抱持啼不肯飲食母憐之強為餐飯欺言已愈

察母顏色不平輒復不食盡力樂心周書曰忠愛

其寢食 **扇枕** **温席** 上詳類聚 袁山松後漢書曰

者而後 **烝烝** **孜孜** 俞尚書曰有鰥在下曰虞舜帝曰

授其處 **魏璽** 東觀漢記曰明帝子以至孝稱孜孜膝下

記曰章帝祖母明帝子以至孝稱孜孜膝下 **漢奩**

平生懽朝率百官上陵上伏御牀視太后鏡奩中物

志曰明帝太和元年初營宗廟掘地得璽方一 **曾閔**

荀何 **荀何** 論語曰孝哉閔子騫人不問於其父母昆弟

最與何曾曰文王之道德事其親者其順昌 **色難** **敬**

易論語曰子夏問孝子曰色難有事弟子服其勞有

色為難也食餘曰饌 **啜菽** **倚門** 毛詩曰陟岵

念父母也陟彼岵兮瞻望父兮父曰嗟予子行役思

夜無已上慎旃哉猶來無止師覺授孝子傳曰趙

以侯父至數年父出輒待還而後食過時不還則倚門啼

號居於塚側鄉族嗟補名聞流著漢安帝時官至侍

中 **吮癰** **嘗毒** 東觀漢記曰雍儵字長魚事母至孝

為吮癰 **嘗毒** 南先賢傳曰蔡順字君仲有至孝

因飲酒變吐順恐中 **陸績懷橘** **殷暉持瓜**

其吐母生瘡出膿以口漱之 **陸績懷橘** 何乃作賓客而懷

瓜菓可啖之物懷 **鮑永去妻** **郭道瘞子** 鮑永字君

長上黨人也少有志操事後母至孝妻嘗於母前叱
狗而承即去之裴子野志畧曰散騎常侍袁瑜薦
會稽郭道事繼母至孝家貧產子憂不能字
謂其妻曰傷慈以終孝吾無恨也遂瘞之

不忘類並詳陳紀畫像 **丁蘭圖形**海內先賢傳曰陳
字元方有至德絕俗才達過人丞丞色養不離左右
豫州刺史嘉其至行表上尚書畫像百城以勵風俗

焉孫盛逸人傳曰丁蘭者河內人少喪考妣不及
供養乃刻木為人髣髴親形事之若生朝夕定省其
後鄰人張叔妻從蘭妻有所借蘭妻跪拜木人木人

不悅鄰人以借之叔醉疾來諄罵木人以杖敲其頭蘭
還見木人色不悅乃問其妻妻具以告之即奮劍殺
張叔吏捕蘭辭木人去木人見蘭為之垂淚郡縣

嘉其至孝通於神明 **杜孝投魚** **羅威進菓**蕭廣濟
圖其形像於雲臺也 **杜孝**投魚 **羅威**進菓 **孝子**傳

曰杜孝巴郡人也少失父與母居至孝稱役在成都
母喜食生魚孝於蜀截大竹筒盛魚二頭塞之以草

祝曰我母必得此因投中流婦出汲乃見筒橫來觸
岸異而取視有二魚含笑曰必我壻所寄熟而進之

聞者歎駭 **陸徹**廣州先賢傳曰羅威字德仁八歲
喪父事母至孝耕耘為業勤身苦體以奉供養令召

署門下吏不就將母遁避隱居增城縣界令 **有司**旌
還復舊居朝暮供侍異果珍味隨時進前也

門太守表墓魏收後漢書曰楊引三歲喪父為母
毀過禮三年服終恨不識父追服斬衰誓終身命經

十三年哀慕不改為郡縣鄉閭三百餘人上狀稱美
有司奏宜旌賞復其一門旌其純孝 **王烈**之安成

記曰縣有孝子符表以孝聞天下年十六其母姜氏
有疾侍省晝夜數十日母一食表亦一食母不食表

亦不食見母將絕至痛成咽迺至殯俄頃母死亦沒
一日二喪在殯葬於四望岡太

守王府君樹雙旌闕以表其墓 **孝三**帖白

三德師氏三德教國子三 **三行**一曰孝行 **錫類**孝子
不錫曰孝德以知惡逆 **凱風**詩序凱風美孝子也能盡其

爾類 **奉先**思孝 **凱風**孝道以慰其母心注七子之

白華美孝子之行先周禮六行仁本君子務本本

悌也者其為養志乎曰有注恐會替要分賜與人會

元養會子既食問有餘乎曰無矣將以復進也若會

子者所謂養志也後世以用力孝不匱慈愛忘勞可謂

揚名顯父母孝之終也用力孝不匱慈愛忘勞可謂

矣博施備物可謂不匱矣

愛母愛其母施及莊公心動蔡順字君仲養母

不還母乃嚙指順心動

日開盛彥母王氏因疾失明求薪客至母望順

棄薪走歸母畏雷詳雷

負母江革字次翁臨淄賊起抱母慟哭絕而

後蘇日豁疑是異物藏以示彥彥見而抱母慟哭絕而

負米子路嘗糞父痢而

私嘗廬鳴戴良字叔鸞母好驢

嘗糞父痢而

助哭每至哭卧之時謹節用天之道分地之利謹身

常有雙鶴鳴叫也

忠順然後能守其祭祀而保其祿位蓋士之孝也

也

保社稷在上不驕高而不危所以長守富也富貴不離其身

然後能保其社稷而和其民人蓋諸侯

守宗廟非先

法服不敢服非先王之法言不敢道非先王之德行

行滿天下無怨惡三者備矣然後

德無加聖人之德

能守其宗廟蓋卿大夫之孝也

行莫大人之行莫不稱老禮曰為人子者恒言不

老言孝未許死

母在末敢許人之死

全而歸子春

不言慈

老言孝未許死

雄父墜湍水雄感念常有自沈之意家人防之百餘
 日稍懈因乘船於父墜處哭自投水其家父夢雄口
 却後日當共父同出至期曹娥投江於縣江沂濤迎
 候之果與父相扶持出
 婆娑神溺死不得屍娥年十四緣
 江號哭遂投江而死抱父屍而出
 仇教衛母劉弘為荊州
 為縣吏得罪將殺伏市中
 疾困賊至守衛不移以致拷掠幾至殞命可泣父叱
 以訓獎臣子長益風教臣請教為歸鄉令
 牛泣師恠問之曰我未能養使老父勞苦師其異之
 憂母思雀王祥至孝後母病思黃雀求之不得赤烏
 巢門華陽國志吳順白兔遊墓後漢方儲字聖明幼
 成墳白兔文讓烏助成墳蕭廣濟孝子傳文讓養母
 遊其下鳥數千銜土壤助而成墳也李陶烏助成墳李陶廬
 墓側自治墓鳥孟宗泣而冬笋出孟宗後母好笋令
 鳥銜土助成墳竹林動哭劉殷祖母冬月思生五
 笋為之出劉殷哭而霜董開董殷哭感董生滿地

常之首 百行之先 行以內成 孝由中出 陶
 乎孝理 根以天性 身為親後 行乃孝先 請
 敦不匱 無抑有辭 名以孝聞 禮由恩制 家
 統乎尊 行先乎孝 孝非外至 恩自中來 當
 孝理之時 懷歸厚之德 小人皆能養其親 君
 子不敬何以別
 魏王粲思親詩曰穆穆顯妣德音徽止思齊先姑
 志侔姜妣躬此勞瘁鞠予小子小子之生遭世罔寧

八音 卷一百三十三
烈考勤時從之于征奄邁不造隱憂是嬰咨予靡及
退守祧祊 晉束皙補亡詩曰循彼南陔言採其蘭
眷戀庭闈心不遑安彼其之子罔或遊盤循彼南陔
厥草油油彼其之子色思其柔眷戀庭闈心不遑留
馨爾夕膳潔爾晨羞有獮有獮在河之涘凌波赴汨
噬魴捕鯉嗷嗷林鳥受哺於子養優敬薄惟禽之似
最增爾虔以介壽祉 其二章曰白華朱萸被於幽
薄粲粲門子如磨如錯終晨三省匪惰其恪白華絳
趺在陵之阨舊舊士子涅而不渝竭誠盡敬疊疊忘
劬白華玄足在丘之曲堂堂處子無營無欲鮮侔晨

葩莫之點辱 晉孫綽表哀詩曰大地之德曰生生
之所恃者親親存則歡泰情盡親亡則哀悴理極故
老萊婆婆於膝下曾閔泣血於終年哀悼之思至矣
自然之性篤矣余以薄祐夙遭閔凶越在九齡嚴考
卽世未及志學過庭無聞天覆既淪俯憑坤厚殖根
外氏賴以成訓然以不才不能負荷仁妣弘母儀之
德邁榮寒之操雕琢固頑勉以道義庶幾砥礪犬馬
之報豈悟一朝復見孤棄上天極禍怨痛莫訴皆由
惡積咎深不能通感自丁荼毒載離寒暑茵帷塵寂
棟宇寥倪仰悲軌迹長自矜悼不勝哀號作詩一首

敢冒諒闇之譏以申罔極之痛詩曰茫茫太極賦授
理殊谷生不辰仁考夙徂微微冲弱眇眇偏孤叩心
昊蒼痛貫黃墟痛我以義鞠我以仁嚴邁商風恩洽
陽春昔聞鄒母勤教善分懿矣慈妣曠世齊運嗟予
小子譬彼土螽俯愧咽質仰忝高訓悠悠玄運四氣
錯序自我酷痛載離寒暑寥寥空堂寂寂響戶塵蒙
几筵風生棟宇感昔有特望晨遲顏婉變懷袖極願
盡歡奈何慈妣歸體幽埏酷矣痛深剖髓摧肝

賦魏曹植懷親賦曰濟陽南澤有先帝故營遂停馬
住駕造斯賦焉獵平原而南驚觀先帝之舊營步壁

壘之常制識旌麾之所停在官曹之典列心髮鬢於
平生迴驥首而永逝赴脩塗以尋遠情眷眷而顧懷
魂須臾而九及 晉陸機祖德賦曰咨時文之懿祖
膺降神之靈耀栖九德以弘道振風烈以增劭彼劉
公之矯矯固雲網之逸禽既憑形以傲物諒傳翼而
栖林伊我公之秀武思無幽而弗和形鮮烈於懷霜
澤溫惠乎挾纊收希世之洪捷固山谷而爲量西夏
坦其無塵帝命赫而大壯登具瞻於太階濯長纓乎
天漢解我衣以高揖正端冕而大觀戢靈武於旣曜
恢時文於未煥騰絕風以逸騫庶遐蹤於公旦 又

述先賦曰仰先后之顯烈懿暉祚之允輯應遠期於
已曠昭前光於未戢抱朗節以遐慕振奇迹而峻立
在虐臣之貪禍據西山而作違招長轂於河畔飲冀
馬乎江湄頓雲網而潛泳揮神戈而外臨敵罔隆而
弗夷逆無微而不禽茂德韓其既休元勳暉而薦舉
襲裘服於太階配三台乎其所是故其生也榮雖萬
物咸被其仁其亾也哀雖天網猶失其綱嬰國命以
逝止亮身沒而吳亾 又思親賦曰悲桑梓之悠曠
愧蒸嘗之弗營指南雲以寄款望歸風而効誠年歲
俄其聿暮明星爛而將清迴飈肅以長赴零雪紛其

下頽羨纖枝之在榦悼落葉之去枝在顧復之遺忘
感明發之所懷居辭安而厭苦養引約而摧豐忘天
命之晚慕願鞠子之速融兄瓊芳而桂茂弟蘭發而
玉暉感瑰姿之晚就痛慈景之先違天步悠長人道
短矣異途同歸無早晚矣 宋謝靈運孝感賦曰舉
高橋於揚潭眇投迹於炎州貫廬江之長路出彭蠡
而南浮於時月孟節季歲亦告暨離鄉眷壤改時懷
氣戀丘墳而縈心情系梓而零淚孟積雪而抽筍王
斷冰以鱸鮮莖菜葉於枯木起春波於寒川顧微心
之庸褊謝精靈於昭晰擁永慕而莫從曾遐感而靡

徹 梁武帝孝思賦曰念過隙之倏忽悲逝川之不
停踐霜露而悽愴懷燧穀而涕零仰由念枯魚而承
慕虞丘感風樹而長悲雖一志一作至而捨生奉二親
何期至如獻歲發揮春日載陽木散百華草列衆
芳對樂時而無歡乃觸目而感傷朱明啓節白日朝
臨木低甘果樹接清陰不娛悅於懷抱唯罔極而纏
心寒氷已結寒條已折旅鴈鳴而哀哀朔風鼓而烈
烈無一息而緩念與四時而長切兼葭蒼蒼白露爲
霜涼氣入衣淒風動裳心無追而自切情不觸而獨
傷靈蛇銜珠以酬志慈烏返哺以報親在蟲鳥其猶

爾況三才之令人

頌後漢蔡邕祖德頌曰昔文王始受命武王定禍亂
至於成王太平乃洽祥瑞必降夫豈后德隆漸浸之
所通也是以易嘉積善有餘慶詩稱子孫其保之非
特王道然也賢人君子修仁履德者亦其有焉昔我
烈祖暨於子考世載孝友重以明德率禮莫違是以
靈祇降之休瑞免擾馴以昭其仁木連理以象其義
斯乃祖禰之遺靈感德之所貺也豈是童蒙孤稚所
克任哉穆穆我祖世篤其仁其德克明惟懿惟醇宣
慈惠和無競伊人巖巖我考蒞之以莊增崇丕顯克

八部 卷一百三十一
構其堂是用祚之休徵惟光厥徵伊何於昭于今園
有甘棠別榦同心墳有擾免宅我栢林神不可誣僞
不可加析薪之業畏不克荷矧貪靈貺以爲已華惟
予小子豈不是欲于有先功匪榮伊辱 晉庾峻祖
德頌曰思文我祖降茲嶽靈綿綿之迹時惟初生天
難忱斯駿命靡常世祚中衰官族消亾念昔底績惟
乃舊章烈祖勤止其德允荒漢后不辟公族剝亂難
起蕭牆政由豎官監彼天胄我不于時縱德遺寵顯
志道思均樂公侯逸豫無期烈祖底戒營茲垣墉曾
孫篤之永世攸同

晉夏侯湛閔子騫贊曰聖旣擬天賢亦希聖蒸蒸
子騫立體忠正干祿辭親事親盡敬勉心景迹擢辭
流詠 梁元帝孝德傳皇玉篇贊曰天子之孝曰聖
與仁重瞳表德參漏通神皇矣高祖連鑣舜出天經
地義重規杳矩道踰七十聲超三五 又孝德傳天
性篇贊曰生之育之長之畜之顧我復我答施何時
欲報之德不可方思消塵之孝河海之慈廢書歎息
泣下漣瀾

梁元帝孝德傳序曰夫天經地義聖人不加原始
要終莫踰孝道能使甘泉自涌鄰火不焚地出黃金

天降神女感通之至良有可稱

○祿養

捧檄喜毛義家貧養親張奉慕其名詣義會府檄至
及義母死以義為守令義捧檄入喜動顏色奉心賤之
就奉歎曰往服舉賢良方正不列鼎思昔者由也為
親百里負米親沒南遊於楚從車百乘累茵而坐列
鼎而食願負米百里豈可得乎樹欲靜而風不止子
欲養而親不待枯魚銜索幾何不蠹二親之壽忽
如過隙子曰由也謂生事盡力死事盡思者也金
紫加譚有功拜武昌侯太夫人加金章紫綬後蘇峻反
堂於家王導皆垂青紫侍省當世榮之孫
權賀吳志顧雍為尚書令迎母於吳既至權臨賀王
導拜上詳欣然而喜韓詩外傳曾子曰為吏祿不過鍾

孝慨然而歎周磐字堅伯居貧母儉薄不充嘗讀詩

雖則如燬父母恐適將吏拜迎魏張遼字文遠屯合

出迎所督諸軍將吏皆公卿上壽後漢張酺字孟疾

父嘗歸田里酺每遷職輒一請京師適會公卿牲

養日用三烏哺嗷嗷林鳥孝乃行先祿宜親及

祿非為已養貴逮親鴻既漸而于干烏豈忘

於反哺

○違離

觀省附

戀庭闈眷戀庭闈陟帖陟彼帖兮瞻望父兮靡瞻

靡依靡瞻匪父必告必面夫為人子者出何嘗何食

父母何嘗
父母何食
不易不過
親老出
不易方復
遊必有方
遊必有常
凡為人子
所
倚枕之戀
倚門

之思
晨昏之禮
朝夕之膳
喜懼之年
書訊

之敬
吳顧愷
觀省父賜綰
後漢胡威父質為荊州威

一匹跪曰大人清苦安得
母出驚
袁宏字夏甫父賀

此縑父曰吾俸祿之餘
通會阿母出驚乃自呼入

晉夏侯湛離親詠曰剖符今南荆辭親今遐征發
軼令皇京文臻今泉亭撫首今內顧按轡今安步仰
戀兮後塗俯歎今前路既感物以永思兮且歸身乎
懷抱苟違親以從利兮匪曾閔之攸寶視微榮之瑣

知吾志之愈小獨申愧於一心兮慙報德之彌

晉劉柔妻王氏懷思賦曰超離親而獨寄與憂憤
而長俱雖亮分以自勉曾無聞乎須臾思遙遙而怵
後疾結滯乎肌膚憶昔日之懽侍奉膝下而怡裕集
向生而從容常欣泰以逸豫何運遇之偏否獨遼隔
於脩路何桓鳥之將分猶哀鳴以告離况遊子之眷
慕孰殷思之可靡於是仲秋蕭索葍收西御寒露宵
零落葉晨布羨歸鴻之提提振輕翼而高舉志眇眇
而遠馳悲離思而嗚咽彼邁物而推移何予思之難

聊擊翰以寄懷悵辭鄙而增結

○不孝白帖

加周禮以八刑糾萬糾周禮以鄉刑大罪五刑之屬民一曰不孝之刑糾糾孝糾察也
莫大於凶德凶德在於善而皆在於禮疏節此父千之疏不孝也
孝大防於慈防民為之防民猶踰之厚證父攘羊其父子證史吳起與母別齧臂而盡曰不為卿相齧母臂不歸遂事會子頃之其母死起終亡不
而與起絕三者不除亂則刑在也亂則刑在也
不除雖日用三牲七人莫慰人莫慰心大傷厥考七人莫慰人莫慰心大傷厥考
王每見之必泣疾曰君三泣臣矣誰之罪也王王每見之必泣疾曰君三泣臣矣誰之罪也王
令尹之不勤子所知也國將討焉爾其居乎劉曰令尹之不勤子所知也國將討焉爾其居乎劉曰

父戮子居安用之洩命重刑臣亦不為遂誅子南既洩命重刑臣亦不為遂誅子南既
舜其徒曰行乎棄疾曰吾預殺吾父行將焉入曰臣舜其徒曰行乎棄疾曰吾預殺吾父行將焉入曰臣
不忍也遂縊而死愛敬無則者謂之悖德不敬其不忍也遂縊而死愛敬無則者謂之悖德不敬其
以順則逆民無則焉斷殺不時子曰斷一樹殺一以順則逆民無則焉斷殺不時子曰斷一樹殺一
非孝者無親非人之孝者是非人之孝者是在宮者無赦寡人嘗學
其室汚其宮而瀦焉弑君父之刑也其室汚其宮而瀦焉弑君父之刑也
德非歸厚罪豈從輕既不念於採蘭安可逃德非歸厚罪豈從輕既不念於採蘭安可逃
乎宣棘執以從宜爾雖有說謂之救孝吾則不乎宣棘執以從宜爾雖有說謂之救孝吾則不
知有無父之國則可逃刑當親篤之朝如何獲知有無父之國則可逃刑當親篤之朝如何獲
有敗因嚴之教曾莫敬親正懲惡之刑豈容悖有敗因嚴之教曾莫敬親正懲惡之刑豈容悖
禮棄色難之訓曾是遺親當孝治之朝敢思悖禮棄色難之訓曾是遺親當孝治之朝敢思悖

○仁白

百行宗漢書仁者天下表仁者天民懷民罔常懷神

福而禍淫器重舉者莫能勝行者莫能致也數多取

多者自衛家歸古之君罕言與命與仁放麇董仲舒

感而縱之君愾議罪未定君病恐欲託孤幼乃

於議何如仲舒曰君子不驕不聊人夫不諫使持

廢君命徙之可也養馬田方擇里里仁為美

樂山樂仁者接事范子曰不背木也不忘舊信

言以守之忠以成之成名惡乎成名不憂不憂豈

敢若聖與仁蔽愚好仁不好學詔言仁者其安利仁者

安仁知靜壽仁者壽遠乎仁遠久矣成仁之難達德仁者

天下之惻隱孟子曰有惻隱之心非仁也依論語依於輔

以友甚水火蹈而死者未見蹈仁而死者也至日

月則日月至焉而已矣國之寶親仁善鄰人為寶

親犯日亡人無以為寶仁無能達仁而不武不足稱

君其仁不足稱也有以為之而有以為用其力子曰

我未見力不足者矣天下歸仁一日克己復禮天下歸

乎大道廢仁之方能近取譬可仁之本孝弟

其為仁同功三仁安仁有利仁有勉強為仁非禮

之本與仁同功三仁安仁有利仁有勉強為仁非禮

仁者其

四勿顏淵問殺身以成無求生以害仁當師不讓當

不讓於師仁者有勇仁者必有勇君子無違君子無終

仁文仲不仁仲尼曰臧文仲不仁者三顏淵請事論

人如禮何如禮而不仁吾不知也仁則吾體仁長人

足以求仁得仁伯夷叔齊力行近乎禮力行不仁有

矣君子而不仁者有矣夫稱曰用權爾雖有說謂

之仁德吾則不知宣尼訓人一日能用其力顏

子好學三月不違其仁

○寬恕帖

事詳政術恕者不載

兼容藉孺勸薄責躬自厚而薄責無忿書爾無忿有疾於頑

容乃大書敗面蔡系與謝萬爭言推萬落牀冠帽

爛手劉寬得衆得衆則避盜詳凶惡掩吏過曹參為國

近史舍日夜飲呼從吏患之引參遊園幸國相召按

蓋與認物詳政術無求備語無求備不加聲晉鄭默

於僮違道不遠恕終身可行子貢問曰有一言而可

其恕非意可遣衛玠字叔寶嘗云人有不及可以情

色之觀過斯知人之過也各於其黨觀過斯知仁矣

而勿責已能不責王褒不以已人過必掩張安世

勳有郎醉小遺殿上安世曰何以

知不反水漿耶其掩人過如此

○義帖

國維曰行而服人張乃國維管子身衛以義衛身世亂

則以身土地為義干櫓仁義為成命成命斷恩

門內之理恩掩義為質與比義之安居人未

義未安其居晉文公於是出正路孟子曰義者滅親

石碣大義滅親友守何祗通厚嶷與疎濶乃自輦諸

親託以治病祗傾恤孤楊峻字秀才同郡王象少孤

財療治數年乃愈楚峻美其才質養老詳故舊制命

賈象著家中娶聘立屋然後與別利本義者利先王達

命為義制事以義利和之也利本義者利先王達

先王修禮君子思義居則思義有以為之而有以為

可以存易知終終之禮以行有禮得其宜也憂不

徒聞義不能徒不邀功歸韓約失信眾依羌人多欲

取約邀功憲責怒曰人窮歸我約病死楊遠所約送

與疏憲曰不生圖之豈取死人功太視疏問憲名

不在中達以情對默受罪後漢段熲功稽留頰軍不

賜憲爵關內侯後漢段熲功稽留頰軍不

進羌徒久戀鄉悉反叛閔歸罪熲坐徵輸左校羌覆

沒營塢吏人守關訟熲問段熲謝罪不敢言枉京

師稱為為生則傷後漢夫行義者以立言踐行豈徒

長者為義則傷生專為生則匡邪為正文子曰義者匡

傷義義重於生全義可也匡邪為正文子曰義者匡

以為平衛慕義免歸李膺門生皆禁錮侍御史景毅

身以為平衛慕義免歸李膺門生皆禁錮侍御史景毅

及譴毅慨然曰本謂膺賢遣子師之豈可被收爭罪

以漏脫名籍苟安於已自免歸人義之豈可被收爭罪

魏王思與梁習俱為西曹令史思直白事失太祖旨

將加重辟時思近出習代被收思乃馳還自陳已罪

太祖歎習之不言思之職償羊給食晉許子章聞王

卷一百三十三

義

失羊將鬻身以償之章遂代育償羊給衣食使與子
 同學身長八尺容貌絕異復以兄子妻之為立宅分
 之資產育受以馬易棺後漢劉翊字子相道逢病自
 之無愧色雷義字仲翁為尚書郎有同時郎坐事當居
 表取罪刑作義默自表取其罪以論司寇同臺即覺
 之委位自上乞贖義不謝免罪范滂字孟博擊獄尚
 罪順帝詔皆除刑不謝免罪書霍諝理之得免范
 到京師往見請而不為謝或讓之滂曰昔叔向有罪
 祁奚救之未聞羊舌有謝恩之辭祁奚有自伐之色
 竟無不謀舊國史樂毅去燕之趙趙王欲圖燕毅泣
 所言曰臣事昭王猶事大王若獲戾故知困餒
 他國終身不謀趙之徒遂救故知劉翊逢故知困餒
 隸况燕昭王後嗣乎劉翊逢故知困餒
 救之遂與有勇為亂君子有勇而無義為亂無勇不
 俱餓死見義不為詩書為府詩書義富貴如雲不義而富
 為無勇也文子曰夫為義者不可名不為疾以
 如浮雲兵不可劫劫以兵不可懸以利

義聞不為義疾疾病有義以廢道大道廢有失義而
 也見義則不為病仁義老子

後禮子文侯軾廬於干木
段干木富於義故干乘為

馮煖折券於薛人為孟嘗
義取後取義然義斷天下之斷

也思義見得喻義君子喻富義抱義救解權

濟排患救患義以方外義以為上將息

爭端得知義所名以義聞節因事見節不

可奪道不可屈稱以好權爾雖有說謂之曰

義吾則不知見而不為是為無勇聞而能徙何

以為憂

○義感帖白

義感

還馬 孔嵩字仲山正身厲行辭公府之京師宿下亭

豈宜復盜之**弛兵** 赤眉過姜詩里弛兵而過

送馬還之**逃崔琦** 諷刺梁冀令刺客陰殺之客見琦耕陌上懷詩諷

詠乃以實告曰君賢不忍相殺君可亟逃吾亦從此

去矣遂**匿張儉** 張儉被捕抵孔李膺壯哉後漢李

曰李膺振拔汗險之中蘊義生風以鼓動流俗激素

行以恥威權立廉尚以抑貴勢使天下之士奮迅感

槩波蕩而從之幽深牢破家族而不**范滂何恨** 范滂

悔至於子伏其死母歎其義壯哉**遺書託子** 吳陸瑁同郡徐

博將誅辭母母曰汝今得**推燈送喪** 後漢申屠蟠與

與李杜齊名吾何恨哉**入縣** 鄭玄皆拜相約賊敢不入

不相識臨死遺瑁書託孤**賊不入廬** 袁宏見世

幼瑁為起墓教導其子**不犯胡君** 魏胡昭為鄉

在太學子居臨沒以身託蟠乃射推輦送喪歸**賊不**

遇司隸從事義之為封傳護送蟠投傳不受也**不刺**

母沒不制服設位世莫能名**不刺趙盾** 公

黃巾賊入縣相約不入其廬**不刺蔡邕** 陽球使刺

為寇約不**不刺先主** 劉平使刺客刺**不忍刺趙盾**

犯胡君**不忍刺蔡邕** 蔡邕亦然

刺**不忍刺蔡邕** 蔡邕亦然

○羞恥帖

縲紲 管子曰不恥縲紲**塗炭** 孟子曰伯夷與鄉人處

之上行之望望焉**嘉石** 周禮地官凡民之

若將浼焉浼汗也**帝秦** 詩秦帝歸漢

矣惟壘之恥注瓶小而罄壘**歸漢** 陳平

天而盈刺王不使富分貧也**臥薪** 句踐臥

亦多歸無恥者**食粟** 夷齊恥**謝豹** 抱恥而死化為蟲

彭薛捷於市

伊尹

二五

舜不若人不恥不若人躬不逮論語恥躬不逮也民不足地有餘而民不足

足君于一事不知陶弘景讀書萬卷一有道貧賤有

道貧且賤有言無行雜記君子有五恥謂居位無言

焉取也有言無行既得又失地有餘民

均彼功倍既得又失詳無恥非人之孟子曰無羞惡有

恥且格格止寡恥相如傳鮮廉寡亦恥左丘明恥之

遠恥恭近於禮也知恥近乎卑陬失色莊子言赧然流

汗范蠡赧然流三敗之辱沫終身之慙一慙之不忍

不恥不仁小人不仁不愧不能不以人之所承羞承之

羞包羞宿恥刷恥並漢書

唐類卷一百三十二終

